


1494
478.

XCE
735

8





E
35
8

00

~~2940~~

¹⁵_{s.} E. 735.

~~ss~~
~~28~~

1. Alsi veronensis Can reg Palatrinensis Cong. dissuasoria
ne christiani principes ecclesiasticos usurpent Census.
Quaestio disputata per eundem, an aliqua respub.
possit conducere iudeos ad facerendum sine peccato
et an popo valeat concedere quod id fieri possit
sine peccato. Benedictio platonis de benedictis.

1494

2. ejusd. monumentum Compendiosum pro Confess-
-ionibus Cardinalium Reliquorumq. procuratorum -
propter Communes Confessionum regulas; scribebat
auth. an 1478

3. praelectio sacrath habita a joun. de pinada
soc scripturarum professore anno 1602. pp. 32.

4. julii M. Junii De felicitate lib. 4. verona
fratrum de fabio 1531

5. Hyeronimi ~~BB~~ Balbi Dialogus Cujus -
argumentum versibus expeditur.

It in Verba Cantic. Cantico. Cap. V. Dilectus meus, Can-
didus et ulcundus, electus ex millibus:

E^xv 735, p. 1

Ad Libris M^{rs} Genouedu Paris 1734



N^o 1

Celsi Aeronensis Dissuasioria.



ss
28

729



Reuerendissimo Domino Iacobo Cardinali Papi
ensi Domitius Veronensis salutem et commen.

Roxime legi Reuerendissime domine
p orationem disuasoriam Venerabilis pa /
tris Celsi ueronensis Canonici regularis
in qua cum rationibus / tum etiam exemplis præ /
clarissimis pluribus uarie copiose atq; ornatè rebo /
sacris parcendum et abstinendum esse contendit :
eam a te qui doctissimus et eruditissimus ab omni
bus haberis et existimaris ualde probari audio et
uehementius commendari: Ego quoq; pro hac te
nuitate mea grauissimum iudicium tuum tãti fa /
cio ut ipse tecum sentiam / ac talem lucubratõnẽ in
tegerrimi religiosi imprimendam ex tua sententia
esse decernam. Cum in uniuersum ad omnes per
tineat talis causa talisq; disuasio. Christiani enim
nominis decus / christianæq; religionis ratio præci
pue custoditur / si inter alia quoq; res sacræ intac /
tæ inuiolataq; seruentur. Vale .

Epistola Reuerendissimi domini Hermolai Bar-
bari Episcopi Veronensis ad .D. Celsum Veronē
sem Canonicū regularē Congregatōis lateranēsis

Eligioforum decus saluus sis: uno spū le-
gi disertissimam et xp̄ianissimam episto-
lam tuam: in qua legenda tantam cœpi
uoluptatem / ut nihil suauius / nihil ad explendā
sanam mētem pinguius audiri aut legi potuisset:
Quoniam nihil pretermisisti eorū quæ a magnis ī
geniis excogitari / aut a doctis religiosis ad nostros
homines erudiendos in tanta re afferri potuissent
omnibus doctrinæ / sanctitatis / auctoritatisq; pre-
sidiis munitus: ad monēdos Venetos uiros te ita
preparasti! ut apud omnes nō minus christianus
q̄ doctus et sis et habearis: Adde igitur quæ ī mar-
gine annotasti: et perfice opus hoc dignum: ut in
ter cetera quæ per omnes tuæ ætatis gradus preco-
nia in omnibus fere Italiæ urbibus es cōsequutus.
Hanc etiam dignam laudem in Veneta urbe regi-
na Italiæ ut ita dixerim consequaris: Tanta enim
ut spero erit dicendi uis / ut si non omnes / sanio-
rem tamen partem ī tuam adduces piūssimam sen-
tentiam: Nihil falsi locutus es / nihil ueri conticui-
sti ad sæuissimos animos moliendos: Et cum om /

a.ii.



nia summa caritate narraueris | misericors ac mise-
rator dominus magis ac magis assistet huic sancto
operi: et illuminabit mētes et corda omnium ad
ueritatem agnoscendam relictis tenebris: Nec dese-
ret hanc urbem: quæ tempore lucis sola condita ē:
Et tot ac tantis sanctorum corporibus ornata ac
munita: ut nunquā adduci possim illā facile peritu-
rā | tanquā summi dei peculiarē. Vale et me ut soles
ama | ac pro me ora . Ex Venetiis pridie kllās Fe-
bruarias. M. cccclxxi .

Tuus filius Hermolaus Episcopus Ver-
ronensis indignus manu propria .



*Celsi Ver mensis Canonici Regularis Lateranē /
sis congregationis Dissuasoria ne Christiani
principes Ecclesiasticos usurpent cen /
sus Ad Inclytū uenetorū Senatū.*

Volent complures saepenumero Sere /
nissime Princeps / Illustrissimeq; Sena /
tus cum de re aliqua tractaturi sunt /
ea tantum in dicendo sectari / ea pro /
ferre / ea suo sermone complecti : quæ legentium
auribus obsequatur: quæ ue gratiam / et inanem si
bi applausum ualeant aucupari . Contra uero
quæ recta / quæ utilia / quæ bona sibi et honesta ui
dentur: ea ueluti minus gratiæ / minusq; oblecta /
menti ac suauitatis habitura aspernantur et respu
unt . Ast ego ab his profecto longe aliter sentio .
Videntur siquidem mihi ii non mediocriter erra /
re : ac ut ita dixerim / a proposito suo pene decide
re . Nam dū gloriam sibi ab hominibus ac laudes
ex turpi quadam mercatura quærūt: ignominiam
magis ac dedecus incurrūt . Quid enim turpius q̃
sub boni specie amicorum animis fraudes offun /
dere? Quid indecentius q̃ pro ueris ficta ac simu /
lata supponere? Quid inq̃ fedius: et ab omni pror
sus honestate semotius / q̃ pestiferis assentatōibus

a.iii.

mortalium mentes in multos ac maximos errores
inducere? Li profecto nō amici / non beniuoli / nō
uiri boni / sed imanissimi potius hostes / et omniū
odio digni habēdi sunt. Quis .n. numeret quot
mala / quot iacturas / quot pestíferas clades íferāt?
Quis inq̃ numeret quot detrimenta / quot dispē
dia / quot incōmoda / ac pericula ob ístiusmodi as
sentatorum praua consilia / ac obsequia fraudulē
ta non priuati solum homines subeant; sed etiam
uniuersæ res publicæ / ac cunctorum regum impe
ria? Id uero illis assequi haud profecto difficile ē:
nam beniuolentiæ et amicitia cultu subrecti blan
dis laudibus / ac fictis obsequiis mētes hominum
offuscant; fraudes innectunt; et unumquēq; rerū
suarum ignorantia inuoluunt; Vt quæ bona ac sa
lubria / quæ ue sibi noxia ac pestífera sunt minime
dignoscere queat. Tales etenim se esse arbitrātur
homines; ut merito iureq; laudentur; Ex quo in
numerabilia postea peccata nascuntur; et in maxi
mis illi uersantur erroribus. Quamobrem istorū
ego impresentiarum sententiam minime sequēdā
dixi; sed ea magis prosequar / ea audacter enarra
re contendam; quæ si minus gratia / minusq; sua /
uitatis forte habitura sint; at profecto nō ficta / nō
simulata / sed quæ uerum amicū / uerumq; deceāt

monitorem: ob eamque rem neque omnino fortassis
inutilia; neque futura prorsus infructuosa. Nam et
medicorum plerumque amara sunt pocula: eadem ta-
men frequenter egrotis opem afferunt et salutem:
Quod sane mihi quoque arbitror esse faciundum:
idemque mihi in hac causa officium eandemque assu-
mendam esse personam: quo aptius et facilius salu-
tem pristinam: bonamque ualitudinem languentibus
inducam. Ea propter si licentius aliquid dixisse
uidebor id non odio / non liuore aliquo fieri exi-
stimandum erit: sed ut magis animus tuus serenif-
sime Princeps et eorum qui monitis talibus indi-
gent ad meliora ac salubriora consilia capeffenda
quod efficaciter excitentur. Accipies igitur hanc lu-
cubranciunculam meam satis horrida et inculta ora-
tione conscriptam: quam ob meum in te inclytumque se-
natum singularem amorem / precipuamque caritatem et
obseruantiam serenissimo nomini tuo dedicare con-
stitui: Si quid forte consilii: Si quid utilitatis et
adiumenti uobis: uestrisque afflictis rebus non solum
assiduus orationum suffragiis: Verum etiam crebris uer-
borum exhortationibus afferre potuero. Nunc igitur ne
percul nimis nostra aberret oratio dicere aggrediar:
quæ tecum in presentia mi Serenissime Princeps agere
institui: Si tamen illud unum prius subiecero: me idcir-

a.iiii

co hoc onus sponte suscepisse : ut nulla in parte
mihi ipsi pro ingenii mei paruitate desum : quin ea
suggerā : ea consulam : ea admoneam : quæ ad istius
us uestri inclyti clarissimiq; senatus salutem / ac per
petuā gloriam ī his tantis calamitatibus ac pericu
lis nostris firma certa q; ratione p̄tinere dignosco.

Um itaq; paucis ante diebus Serenissime
c Prīceps religionis meæ gratia uarias urbes
uariosq; populos peragrarē : cōplures sæpe /
numero (ut fit) præclaros / ac īsignes uiros / cōplu
res illustres / ac excellētissimos prīcipes alloquutus
sum. Inter loquēdū uero ī eos ipsos crebro sermo
nes incidimus : qui nūc maxime per omniū ora uer
santur et uolitant : De huius scilicet īpiissimi tur
ci Christiani nominis hostis p̄spero fœlici q; bello
rū successu : quibus Christianos insequi uexat at
q; trucidat : quibus orthodoxā fidem dies noctesq;
labefactare ac funditus euertere nitiť. ī qua q̄dem
re eum iam diu tantū inualuisse tātumq; excreuif
se cōspicimus / tantas sibi pedestres ac maritimas co
pias / tot auxilia ac bellicos apparatus sibi cōparaf
se : tantū deniq; aduersus Christianos et Italiam ip
sam exercitū contraxisse : quantū aduersus Græciā
olim magnus ille Xerxes : quem mare classibus : ter
rā uero pedestri exercitu pene operuisse memoriā

Turcus.

Xerxes.

proditū est. Quo circa tantæ potentia et expediti
onis incredibilis magnitudo unicuique non imerito
potest esse formidini. Verū ceteris istiusmodi com
pluribus inter loquendū in eo sermone a nobis p
termiſſis ad id unum maxime nostra tandē deflu
xit oratio: quā magna fuerit / quā erumnoſa / quā do
lenda et non ſine lacrymis cōmemorāda recens ue
ſtra Euboæ inſulæ clades / atque iactura: qua profe
cto nulla maior / nulla triſtior / nulla uobis / ac
Chriſtianæ rei Publicæ infelicioſior accidere pote
rat. Ex inde namque non uobis ſolum ac mari /
timo imperio ueſtro crudele bellum et extremum di
ſcrimen impendit: Verū etiam Italiæ ipſi ac uniuerſæ
fidei noſtræ triſtis euerſio et ſupremū exitiū ppara
tur. Quo circa ſummopere proſecto pertimeſcen
dū eſt: actum iam eſſe de nomine Chriſtiano: actū
de fide catholica tot Chriſti laboribus / tanto ſan
guine / tot cruciatibus conſtituta. Iam. n. ad radicē
poſita ē ſecuris: in foribus iam adſunt ſæuiſſimi ho
ſtes: iā littora naualibus copiis plena ūdiq; reſonāt.
iam nobis niſi e cælo diuinū ſuffragetur auxilium
extrema imminet clades / et miſerabile naufragiū
ſubeundum eſt. Quis. n. iſtius immaniſſimæ belluæ
ferocē impetū ſubſtinebit? Quis trucem audaciā
cohercebit? Quis inquit tanta elatū uictoria ab incoe

^v
Ebuœa.

Euboœa

(Negraſent)

Alexander.
Cæsar.

Euripus.

pro suo deterrere ualebit ? Pre multitudine quippe
hominum ac pre magnitudine uictoriae partem angu-
stos se fines habere arbitrabitur: non enim expleat unquam aut
satiatur regnandi libido: sed quanto maior imperii fuerit
accessio: tanto quoque crescit et augeat dominandi cu-
pido. Quam ob rem facile admodum sibi persuasum erit:
se se totius Italiae imperio posse quandoque potiri: huc per-
fecto uotis omnibus aspirat: ad hoc toto desiderio
mentis anhelat: ad hoc omnes cogitationes suas omnia
consilia/omnem curam animumque conuertit. Quae sane res
ueluti olim Alexandrum Macedonem/aut Caesarem illum:
quos iste potissimum sibi ex omnibus imitandos dele-
git ad subiugandi totius orbis cupiditatem supra hu-
manum modum euexit: ita hunc quoque pari modo uehe-
menter impellet/ad suum longe lateque propagandum imperium:
ac nominis sui famam perclarissimis gestis posteris de-
mandanda: quod ingenuis ac praestantibus animis ad
maximas res obeundas non mediocriter adiuumentum af-
ferre consuevit. Emulatione itaque gloriae (ut aiunt)
parum se illis conari ostendere: et eorum exemplo gloriae/
ac laudis studio magis ac magis ardere et inflammarum
uidetur. Ad quod sane nunc eo quidem impensius et au-
dus anhelabit: quo latior sibi uiam /faciliorque ex
hac recenti uictoria sibi aditum comparauit. Quas ob
res (ut multis uidetur) satis quidem iuste hac Euripi

uestri clades atq; calamitas omnium maxima maxie
q; deploranda ē: quā digno uobis ac recto summi dei
iudicio euenisse opinatur / et dicunt: ppter insoli
tam uestra sacrarū rerū exactionē / ac uexatā religi
onis iniuriā. Sic profecto et p̄xime decursis tēpori
bus p̄clarissimā illi totoq; terrarum orbe celeberrī
mā urbi Constātinopoli: quā Romani quōdā im
perii sedes extiterat: ob iniquiorē tamen cām eue
nisse meminimus. Nā et si nō sine magno cordis
dolore ea infelicitissima clades recolēda sit: ob diuti
nā tamē ac iueteratā grācorū a uera fide discordiā
haud iniusto optimi dei consilio tā lugubrem cala
mitatē / tāq; miserabile excidiū omēs p̄pessam fuif
se testant. Quid Pisanorū euersio? qui sup̄iorib;
tēporibus tāta potētia tamq; lato īperio gloriabā
tur: Nōne tā diu p̄spera eis cūcta successere? tā diu
īperiū suū terra mariq; integrū seruauere: quo ad
rē diuinā summa obseruātia coluerūt. Postq̄ uero
ī res sacras / ac summi dei ministros īpias manus inie
cere: tū demū multa aduersa / multa icōmoda / mul
tasq; ac maximas calamitates p̄pessi sunt: Adeo ut
nō solū īperiū īp̄m turpiter amiserint: Verū ēt sub
hostiū misera redacti sint uirtute. Quo circa nei
mini sane mirandum est: si itidem nunc uobis et
Eubo ex insula uestre infelicitē contigit. Vox

*Orōis hic gla
stringit i*

Constantino
polis quare ī
manus Turci

Pisē quare
Euerse.

Tristis euen-
tus expeditio-
nis Achaicæ.
Vnde Euboꝝe
clades.

q̃ppe oīum gētiū ē oīumq; populorū: expeditionē
uestrā Achaicā tā tristē tāq; īfœlicē euētū ob sacra-
rū rerū exactionē sortitā fuisse. Pariq; mō Eurip/
pi uestri cladē nuper acceptā ī eādē omēs referunt
culpā/eādēq; religionis iniuriā. Quā ob rē magno
pere si rectē sentimus/si ad nostrarū rerū inspectō
nē rōne ducimur /magnopere inq; nobis p̃timeścē
dū ē: si in hoc uestro p̃posito diutius steteritis / ne
reliquæ ciuitates et īsulæ uestræ eādē sortē subeāt /
eandēq; uindictā. Neq; .n. p̃seuerāte ruinarū causa
salutē afflictis rebo gigni/parari ue posse sperandū
ē. Hæc itaq; et alia istiusmodi complura ubiq; pas/
sim frequēter audiui: quæ enumerare/ac p̃senti ser-
mone cōplecti uelle lōgi admodū sup̃uacaneiq; ef-
set negocii. At nūc id unū sat sit commemorasse:
multa neq; uario/neq; ob̃scuro sermone cū maxi/
ma uestri clarissīmi senatus nota atq; dedecore ob-
insuetā istā sacrarū rerū cōpilationē ubiq; p̃ferri.
Quā ob rē (ut uerū fatear) ob singularē meū erga
īclitū uestrū diuinūq; senatū amorē et obseruātiā
nō mediocriter indoleo uicē uestrā. Vellē siqdē ea
de uobis ac fœlici statu uestro libenter audire: quæ
ad sūmā laudē/sūmāq; gloriā/ac splēdorē pertine-
rēt. At magno dolore carere nō possum cū aiad
uerto quorū iam inclineſ ac deuoluatur illa no

minis uestri tanta claritas / tantaq; celebritas: quæ
uniuerso orbe etiam apud remotissimos populos
incredibilis ferebatur: nec îmerito. Sicut enim mul-
to antea tempore amplissimis diuitiis / maxima re-
rum omniũ opulentia / summa gloria / summoq;
splendore hæc præclara ciuitas uestra cæteras ante-
iuit: ita quoq; morũ honestate / uitæ sanctimonia /
iustitia / fide / pietate / religione / reliquisq; uirtu-
tibus excellentissime prestitit. Quæ quidem opti-
mæ disciplinæ postq̃ obliuioni tradi cœperunt, ita
quoq; illa nominis uestri tanta claritas / tantaq; ce-
lebritas paulatim minui / paulatimq; deleri cœpit
pariter et extinguï. Verũ licet ego grauius et ini-
quo animo perferã tot clades / tot calamitates / tot
uestros infœlices euentus / tot antiquæ gloriæ uestræ
atq; imperiĩ detrimenta: quæ per totam fere profe-
runtur Italiam: nõ tamẽ ab illorũ opinione omni-
no dissentio (quod bona uenia uestra dictum sit)
qui insolitã hanc sacrarum rerum exactionẽ / præ-
cipuam rerum male gestarum causam opinantur.
Cũ. n. nonnũq̃ mecum ipse cogito: ac priorũ tem-
porũ transacta mête pcurro: i eorum pfecto sentẽ-
tiam haud difficile adducor. Viderur siquidem
mibi (ut libera fronte loquar) quæ firma satis et
explicata ratione sentio inde uobis ac e pestilenti

quodam fonte omnia icōmoda | omnia uobis ad
uerſa manare: Quod palne ita eſſe unicuiq; aper /
tum ſatis erit atq; perſpicuum: ſi clariffimorum fa
cinorum memoriam inſpectare uoluerit. Quis. n.
ut rerum geſtarum paulo altius initia repetamus
eſt tam inſcius? Quis tam rerum omniū penitus
ignarus? Qui neſciat q̄ mirificum | q̄ præclarum
q̄ q; diuinum hæc res. p. ueſtra i ſui primordio ini
tium habuerit: q̄ magna deinde atq; excellētia | ac
ſupra cōmunē conditarum urbium conſuetudinē
incrementa ſuſceperit? Omnia namq; tanta pſpe
ritate tãq; fœlici rerum omniū ſucceſſu euenere:
ut omnia fere in ea ſtatim pariter excreuiſſe: et ad
ſummū gloriæ faſtigiū pueniſſe uideantur. Nō ſo
lū. n. ſummis diuitiis precioſarū rerū omniū uarie
tate ſumptuoſiſſimis magnificiſq; tectorū structu
ris | incredibili nauīū numero | miroq; ac ſplēdido
earū apparatu hanc ciuitatē ueſtrā breui temporū
decuſu uniuerſo orbe celebrem reddidiſtis: Verū
etiam lōge lateq; terra et mari imperium ueſtrum
propagaſtis: diutiſq; q̄ ullæ unq; gentes pro ſin
gulari ueſtra ac maiorū ueſtrorū ſapiētia integrū
fœliciſſime conſeruaſtis. Adeo ut neq; totius Italia
arma quæ uniuerſi orbis domina atq; regina de /
ſcribitur ulla ex parte illud unq; labefactare potue

rint. Quæ nam igitur tantarum prosperitatū: quæ
tot felicissimorum successuum extitit causa: nisi
propterea quia nulla unquā ciuitas fuit: in qua aut re
ligio magis culta: aut iustitia diutius et sanctius cu
stodita fuerit. Id autē sine adulatione dictum exi
stimari uelim. Videor. n. mihi pro rei merito pa
rum ēt dixisse: et sermonē ipsum superari magni
tudine rei. Quis enim nō admiretur? Quis nō sū
mis laudibus efferat præcipuū illum singularemque
maiorum uestrorum in diuinis rebus ardorem: ma
ximam et inuiolabilem iustitiæ ac religionis obser
uantiam: Sūmam erga pauperes Christi munificē
tiam: Inextimabilē illam erga templorum cultum
atque splendorem liberalitatem? Huiusce uero rei in
hunc usque diem optima testis est nō modo proba
tissimorum grauissimorumque uirorum recēs memo
ria. Verum etiā id ipsum cumulate declarant orna
tissima templa: ampla ac sanctissimis religiosis re
ferta monasteria: quæ ante actis temporibus ex sol
lis maiorum uestrorum oblationibus et elemosinis
constant fuisse constructa. Nam et si semper in his
quæ ad dei cultum ac religionis obsequium et ob
seruantiam pertinerent liberales haberentur pari
ter ac deuoti. Cum tamen istius modi calamitati
bus premerentur ac talibus afficerentur angustiis:

Mira prisco
rū Venet orū
religionis ob
seruantia.

tum maxime præcipuum sibi e cælo subsidium bonis operibus exposcebant : tū maxime largissimis elemosinarum distributionibus magna fide / magnaq; deuotione deum sibi bonorum omnium largitorem placare cōtendebant . Quā uero disparia et ab illis dissona nunc tēpora subsequuta fuerit : quāq; dissimilis ac pene contraria erga religionē cultumq; diuinum successerit obseruantia / aliorū nūc malim id esse iudicium . Res enim adeo illustri ac propatulo sita est loco / ut facile unicuiq; possit eē perspicua . Sed de his posterius . Nūc redeo ad maiorum uestrorum tempora : qui ut antea diximus talibus presidiiis cōmuniti / tum demum aduersus hostes pro statu / pro imperio suo bella subibāt : tū ad certamen exhibant : tum animo intrepido pugnam capeſſebant : neq; prius ad patriam remeabant : q̄ profligatis deletisq; hostibus uictoriam certam / ac spolia reportarent . Quam ob rem non immerito laudatur ille . F. Camillus : qui Populum Romanū auctore Liuiο ad hoc ipsum plurimum hortabatur . Intuemini enim inquit Quirites horum deinceps annorum secundas res uel aduersas : et omnia prospere diuina nobis sequentibus numina aduenisse inuenietis : Aduersa uero et horrida spernentibus subsequuta fuisse . Quanto nunc igitur meliore

F. Camillus
Liuius.

loco scaret: Vestra quoque res publica Serenissime
Princeps: si maiorum uestrorum erga religionem
optimas disciplinas/ optimaque instituta uobis imi/
tanda proponeretis? Quanto sapientius ac praestā
tius regeretur: si eorum summa prudentia / et rerū
a se bene gestarū exemplo doctiores fieri niteremi
ni? Profecto non uos tot bella/ non tot incōmoda
non tot pericula/ non tot infestarent aduersa: Sed
ut olim fuis ac circūquaque debellatis hostibus ue/
stris uictoriā ac gloriosa reportaretis trophea. At
si minus hoc tempore prospere minusque fœlicius
quā expetitis et optatis uobis res uestrae succedunt:
mirum sane id nulli uideri debet: cum maiorū ue/
strorum optimae sanctōnes parum quidem prudē
ter paulatim obliuioni mandari cœperint: cū reli
gio ipsa / ac sacerdotum reuerentia lōge minus so
lito: minusque quā uti par erat excolatur in uobis. Sed
ignoscite oro si quid durius uobis uideor protulif
se: ita enim multi imo pene omnes: qui ratōnis du
ctum sequi uoluerint: sentiunt. Ad uestram. n. uti
litatem omnia ista prosequor: ea propter ad ueniā
mibi faciliores esse debetis. Sed iam reuertatur un
de excidit sermo. Ea itaque parū docte a uobis sen/
sim obliuioni tradi antea diximus: et recte quidē.
Ea nāque sola fuerunt: quae uos superiori tēpore ac

b.i.

rem pu. uestrā ad tantā sublimitatē/ ad tantā glo /
riam/ tantūq; splendore fœliciter euexerunt. Quā
ob rē haud iniuria desiere nunc fœlices uestri suc /
cessus: desiere antiqua trophea: desiere pristini uic /
toriarū triumphī: desinere cœpit et tātā uestræ glo /
riæ claritas: desinere deniq; cœpit et illa pariter no /
minis uestri tanta auctoritas/ tātāq; maiestas: quæ
toto orbe haud obscure celeberrima uagabatur .
quæ cunctis populis/ et gentibus uniuersis/ regibus
atq; principibus nō īmerito admirationi esse pote /
rat atq; formidini. Nūquid nō ista ppenditis Cla /
rissimi Veneti? Nūquid nō ista cogitatis? Nūquid
non ista magnificitis? Id unū oro parūper aduerti /
te: id unū mētis acie parūper inspicite: id unū inq̃
testāte cōscientia uestra parūper attēdite. Quot ui /
ctorias/ quot trophea/ quot ex hostibus spolia re /
tulistis/ quot in hoc tā diutino bello fœlices euētus
experti estis/ ex quo tā insolitū/ tāq; uobis pestiferū
consiliū excogitastis: Vt nequaquā uerendū esse ar /
bitrarentini ī res sacras/ ac deo dicata bona uestras
extēdere manus. Quæ quidē uobis (mihi credite)
in his tātis periculis/ ac necessitatibus uestris/ nullū
subsidiū/ nullūq; prorsus allatura sunt adiumētū.
Et si aliter multis forte uideatur: qn̄ imo ueluti pe

stis quædã sœuissima: quæ mortifera cõtatione sua
uicina ac proxima quæq; inficere / et maculare cõ-
suevit: ita hæc quoq; uestros apparatus et copias
(quod pius deus auertat) ad interitũ / pernitiemq;
deducunt. Non tale pfecto consiliũ inisset Cæsar
ille: licet esset a uera religione semotus: qui ut in
eius uita pulcherrime scribitur: cū in aruerniã forte
contēdisset: Aruerni uero tãq̃ raptũ a summo im-
peratore spoliũ suspensum in templo gladiũ Cæ-
saris cõmostrarent: eundẽ tunc locũ ingressus gladi-
ũ ipsum conspiciens subridēs obmutuit. Cūq;
amici eum detrahi inde iussissent id nequaquã fieri
Cæsar permisit. Et optime ac religiose quidẽ. Eũ
nãq; sicut et cætera quæq; tẽplorũ ornatui / ac cul-
tui dedicata iã rē sacrã existimabat. Quã ob rē ne-
quaquã fas esse censebat talia amplius manibus mor-
taliũ esse cõtingēda: et in alios usus humanos esse
quandoq; trãsserēda. Nō sic quoq; maiores uestri
profecto fecissent: nihil tale unquã excogitassent:
Non tale consilium inissent prisci illi summa pru-
dentia / summaq; sapientia præditi: qui nullo imi-
nente periculo / nullis aduersis / nulla demum ne-
cessitate adacti: tale sibi unquam subsidium asciri
scire noluerunt: et prudentissime quidem:

b.ii.

Cæsaris re-
ligio magna

Precipua
rei Pu. gub/
ernacula
Religio atq;
iustitia.

Diodorus .

Aegyptiorū
religio in sa
cerdotes .

Intelligebant enim cuiusq; rei pub. optima guber
nacula: quibus conseruatur/ augetur/ et propagat
imperium / duo praeipua esse/ religionē scilicet atq;
iustitiam: quibus quidem stantibus et imperium sta
re necesse est: et pariter cū labētibus labi. Huiusce
modi itaq; artibus/ et institutis magis q̄ armis im
perium hoc/ quod terra mariq; latissimū est: facile
parauerunt. Vbi uero hae artes et optimae discipli
nae labi ac declinare cœperunt: illico imperium quo
q; ipsum magis ac magis minui/ ac retro fluere cœ
pit. Quae quidem omnia ad religionem sacrarūq;
rerum diligentio rem cultū et obseruantiam (si reci
te inspicere uolueritis) uos non mediocriter admo
nere ac impellere debent. Neq; uero solum exem
pla hae uestratia rerum male gestarum optimo do
cumento uobis esse possunt: Verum etiam maxi
ma illa antiquorum cura/ summaq; diligentia/ et
obseruantia: quae diuinis rebus earumq; cultoribus
cumulatissime semper est habita. Apud aegyptios
namq; auctore Diodoro cū uectigalia omnia tres
in partes aequissime diuiderentur: primā sibi partē
sacerdotes uendicabant: tantaq; apud eos auctori
tate erant: ut eorū consilio et auspicio cuncta gere
rentur: imunesq; et ab omni prorsus onere liberi
secundum post reges dignitatis locum obtinerēt.

Indi uero cum uniuersum populū in septem tribus
diuiderent : primā sacerdotū tribū constituebant :
quā qdē ab omni opere et onere liberā / sūmo cul
tuisummoq; honore dignabantur . Sed athiopes
sententia mea deorū cultu / et obseruantia omnes
antecelluisse omnesq; facile superasse uidentur .
Apud eos .n. sacerdotes / tēplorumq; cultores tan
to in honore fuerunt : ut ex ipsis solū regum sume
retur electio . Quodq; incredibile dictu uidetur tā
ta fuerunt auctoritate / tantaq; illis fides adhibeba
tur : ut cum sibi uideretur regibus nunciarent : ut
mortē appeterent / ita .n. dicebant deorum suorū
iubere responsa . Quam ob causam omnes reges
usq; ad Ptholomei secundi tēpora / ipsis sacerdoti
bus non ui neq; armis coacti : sed ex ueteri quadā
consuetudine ipsa uicti superstitione : sponte paru
isse / et mortē oppetiisse traduntur . Quā ob rem
hunc suae tantae pietatis in deos gloriantur fructū /
mercedemq; tulisse : q; nihil illis hostilis icursus : ni
hil unq; inimicorū illis crudelitas obfuit . q; nunq;
sub externarū gentiū sunt potestate redacti . Nam
Cambises Persarum rex potentissimus : cum infe
stissimo bello eos semel aggressus fuisset : maxima
suorū strage accepta totum pene exercitū turpiter
amisit . Hercules ac Dionisius toto orbe peragrato

b.iii

Indorum
religio in sa
cerdotes .

Ethiopū reli
gio in sacer
dotes omni
um maxia .

Ptholome
us secūsus

Cambises .

Hercules .
Dionisius .



Genesis
liber.
Ingens
fames.

Ioseph patri
archa.

Ethiopes pp eorum summā religionem itactos re-
liquisse feruntur. In sacris quoq; codicib; nostris
idem ferme traditur. In libro namq; Geneseos le-
gimus: superioribus sæculis tam uastam tamq; iau-
ditā famē uniuersum orbē inuasisse: Vt nusq; pe-
ne frumenta seu cibaria alia inuenirent; quibus in-
digentium posset inopiæ subueniri. Ea itaq; fa-
mis rabies i ægypti maxime regionem uehementer
oppresserat: et in ea crudelius ac dirius crassabatur:
Adeo ut eiusdem regionis incolæ prædia sua i pos-
sessiones tecta i omnemq; suppellectilē pro emen-
dis alimentis distrahere cogerentur. Quæ cum ob
famis diuturnitatē atq; sæuitiā: eos quoq; defecis-
sent: postremo ne ob ciborum inopiam misero cru-
ciatu et inaudito mortis genere uita excedere cō-
pellerentur: se ipsos quoq; potestati regiæ addixe-
re. Quam ob rem Ioseph ille sanctissimus regis p-
fectus cum iam immensam annonæ ad hoc ipsum
copiam ante præparasset omnē terrā ægypti sacer-
dotali dūtaxat excepta cūctosq; populos sub pote-
state redegit Pharaonis. Ex quo quidē tempore us-
q; ad Moysen sacro id attestante elloquio quinta
pars omniū fructuū in tota ægypti regione regib;
soluebatur. Quæ autē ad sacerdotes tēplorūq; cul-
tores ptinebāt: ea prorsus ab hac lege imunia pman-



ferūt. Non solū. n. ingētia illis p̄dia cōtulerat Pha
rao: Verum ēt ex publicis horreis toto famis tēpo
re statuta illis cibaria p̄buit. Qua p̄p nequaquā sicut
ti ceteri omnes possessiones suas ac utensilia reli
qua uendere cōpulsī sunt. Quid Romanos cōme
morē? Non ne apud illos amplissima sacerdotia sa
crorū ministris constituta erant? Non ne summū
illis studiū summaq; semp uigilantia fuit non ser
uandæ solū uerum ēt āplificandæ religionis? Om
nia nāq; ut placet Valerio. Max. post religionē po
nenda illa ciuitas duxit: adeo ut ipsis sacris summi
quoq; magistratus seruire non dubitarent. Ita de
mū se humanarū rerum imperiū ac principatū as
sequuturos existimabant: si diuinæ potentia religi
ose fuissent famulati. Verum qd nunc ista ulteri
us p̄sequar: cum oīa non solū sacrarū litterarū ue
rum ēt barbarorū uolumina istiusmodi monimen
tis et exēplis plena sint atq; ex omni parte referta?
Itaq; uos ea legite: ea p̄currite diligenter: neq; sicut
aiunt qdā sacerdotes deiq; ministros ueterū exē
plo inopes et mēdicos eē debere cēsebitis. Sed cōtra
facilius iuēietis nullū ūq; tēpo: nullāq; atate extitisse:
i q; sacerdotes tā illiberaliter et idigne habiti fue
rint. At q si prisci tā diligētes tāq; religiosi i errore
fuerūt: quales i summi ueriq; dei cultu futuros fuiss
b.iiii

Romani in
sacerdotes
quales.

Valerius Ma
ximus.

Aug. 2.
lib. 2.

Pollucius
ex reuerētia
potenti
discreti.

se arbitrandū est? Quales et nos quoq; esse debeamus: qui non falsa idola / non demonia colimus / ut illi: sed maximū illum cali terræq; ac cunctorū opificem? Quā ob rem uellē pfecto serenissime princeps pro meo in te ac uestrā rem Pu. studio / ut et animus tuus / et eorum qui in ea opinione uersantur / aliquando ad salubriora consilia capienda erga templa tēplorumq; cultores / et illis dicata bona resipiscerent: et si non maiorū exemplo: At saltē recentibus malis uestris / et rebus infeliciter gestis ad id plurimū excitari debetis. Vereor. n. ego nō parum ac pertimesco: ne si diutius uobis ea mens idemq; propositū infederit: pati ēt acerbiora cogamini cum melioris sententiæ uiri nonnulli ea uobis pmittant. Sic. n. et cōpluribus aliis infeliciter accidisse memoriæ proditū est. Refert siquidē diuus Augustinus in eo quē de ciuitate dei edidit libro. Cum Rome pestilentia quædam grauissima mulierū simul ac pecoris exorta fuisset: adeo ut p morientium multitudine iam defecturum genus animalium crederetur. Hiems isuper illa tam incredibilis frigoris imāitate sæuieret: ut horrēdæ altitudinis niues p dies quadragita pter solitū in foro duraerint: et Tiberis plurima glacie cōstringeret: tum ferunt fuisse responsum: q; ea esset pestilentie causa

. S. Augu
stinus .

Pestilentia
ex retentiōe
bonorū ec
clasticorū .

ga plurimas aedes sacras multi priuati occupatas tenerent. Quibus postmodum restitutis: tum demum tot clades/tot prodigia cessauere. Quintus est Fuluius flaccus auctore Valerio memorabile ob contemptam religionem exemplum posteris dereliquit. Hic. n. quis censor: nequaquam tamen tulit impune: quod in eo ipso magistratu tegulas marmoreas ex Iunonis Locriæ templo in eam quam Romæ extruxerat ad fortunam impie transtulisset. Nam post hoc factum haud immerito aduersa est mentis ualitudine captus: neque deinceps ferunt rationis usum habuisse: sed per summam animi egritudinem eum paulatim contabuisse ac mihi serime expirasse memoriam traditum est: cum ex duobus filiis in illirico militantibus alterum audisset e uita migrasse: alterum uero crudeli morbo affectum grauissime torqueri. Quo quidem casu Senatus Populusque Romanus non mediocriter commotus publico decreto censuit: easdem tegulas fore locris deferendas: ut eo pacto et impium censoris opus emendaretur: et præclarum posteris exemplum præberetur: immortali deo semel dicata haud unquam esse absque nefario scelere submouenda: aut in alios etiam honestos et optimos usus transferenda: Si qui uero religione posthabita id impie presumplissent non sine graui stomacho Senatus se id pa-

.Q. Fuluius flaccus
obcecatus
per direptionem
sacrorum

Agefilai reli
gio magna
in templis .

Mitridates a
Lucullo ob
templum Di
anae expolia
tū pfligatus
Ciziceni .

tratuos cognoscerent: meritaſq; pœnas ſe quando
que daturus. Cōtra uero de Ageſilao clariffimo ī
peratore ab Xenophōte philoſopho egregie lucu
lenterq; deſcribitur: q; ipſe ſemper templa quæ ē
erant inter hoſtes ſummo ſtudio ſūmaq; diligētia
uenerabatur: exiſtimans īmortalē deū nō inter ami
cos ſolū ſed ē inter hoſtes pia religione colendū.
Pariq; modo dei ſupplices atq; cultores ē inimī
cos nullo penitus pacto uexari patiebat. Abſurdū
quippe ac īmaniffimū ſcelus eſſe dicebat: ut quicq;
ex tēplis delubriſq; diuinis unq; demeretur: aut eo
rum ſacerdotes damno ſeu aliquo afficerentur in
cōmodo . Qua pp capitali admodū odio tales im
pios taleſq; ſacrilegos ſemp infectabat. Hoc nā
q; pacto et hoſtes debellare et exercitū ſuū ſtrenue
deducere poſſe ſperabat . Qd qdem ita ēē ex eo
facile ſatis coniici poteſt: qd de Mitridate in uita
Luculli a Leonardo Iuſtiniano nobili cōpatritio
ueſtro e græco in latinū traducta pclare deſcribit.
Dū. n. hic pedestrib; naualibuſq; copiis urbē Cizi
cenorū Populo Ro. confederatā ingenti manu eſ
ſet aggreſſus: oborta illico tēpeſtate deficientibus
q; cibariis a Lucullo turpiter pfligatus eſt: maxia
exercitus ſui parte in ea pugna trucidata atq; con
ſumpta . Mitridates uero dum ſaluti ſuæ ſola fuga

consulere nititur: tam ualida iterum tempestate obrutus est: ut relictæ nauis quæ ob præcellæ magnitudinē iam iam naufragiū subitura uidebatur se se necessitate coactus pirratis committeret. Eam uero tantā cladē tantamque calamitatē ferunt non immerito illi intulisse Dianā: quā ueluti deā et aliqd in se numinis habere arbitrabantur: quia uidelicet ipsius manibus maxima cum religionis iniuria atque dedecore eius templū expoliare: eiusque simulacrū inde detrahere præsumpsisset. Non minus sane horrendū in Romanorum exercitu ob simile causam aliud contigisse memoratur. Nam cum Carthago illa Romanis inimicissima ui tandem ab eis esset oppressa: Romanus miles quidā contempta religione in ea ipsa urbis direptione sacrilegiū perpetrare non timuit. Appollinis .n. statuā quæ ueluti deus ab omnibus colebatur aurea ueste nudauit. Sed nefarii sceleris debita supplicia diutius non effugit. Nam sapienti iustoque consilio egit æquissimus deus: ut sacrilegæ manus inter fragmenta uestis inuenirentur abscissæ: quod doctiores in posterum ceteri redderentur: quæ maxime a rebus sacris atque diuinis abstinendū esset. Ex sacris quoque libris istiusmodi exempla quæ plurima afferre possumus: præcipue uero ut in Machabeorum libris continetur pulcrū nobis ac præclarum præstat exemplum

Carthago.

Militis cuiusdam. Romanus ob sacrilegium inueste abscissæ.

Anthiocus
rex ob con
temptam re
ligionem a
deo pcussus

Anthiochus rex ille scelestus : qui tanta superbia /
tantaq; arrogantia se supra humanū modum extu
lerat: ut sibi ēt uideretur fluctib; maris posse impi
tare: et ipsa celi astra cōtingere. Hic itaq; cōtemp
ta ueri et aeterni dei sacra religione / maximū illud
ac celeberrimū iudeorum tēplum sacrilegis nefan
disq; manibus expoliare non timuit . At qui diuin
nam ultionē: quā se facile effugere posse sperabat
diutius non euasit . Subito namq; tam dura tāq;
horribili pcussus est plaga: ut de īpiissimi corpore
uermes scaturirent: et horrendo admodū cruciatu
uiuentes eius carnes effluerent . Hac igi; tam ma
nifesta tamq; diuina ultione cōmonitus ad sui tan
dē cognitionē deductus ē . Postremo uero cum su
um ipsemet fetorē ac cruciatū ferre non posset: ius
stū est inquit subditū esse deo : et mortalē non pa
ria deo sentire. Templū insuper cuius paulo ante
ornamēta ac p̄ciosissima uasa impie abstulerat se
multis optimisq; munerib; ornaturū ēē p̄misit: ip
sosq; sūptus ad sacrificia p̄tinētes de redditib; su
is se cumulate īpensurū: et se insup iudeū facturū
esse spopondit. At cū ob īmania scelera maximaq;
sacrilegia sua misericordiā cōseq̄ idignus existeret
scelestē uitā digna morte finiuit. Ast heliodoro re
gis legato ut ī eodē libro legi; simili cā eadē prope

Anthiochi
mors.
Heliodo
rus .

contigere . Is namq; a rege ad diripiendam tēpli
pecuniam missus; dum iniunctum sibi negotium
strenue perficere nititur: quicūq; eius sacrilego im
perio parere ausi fuerunt: extemplo diuina quadā
uirtute ruentes in dissolutionē formidinemq; con
uersi sunt. Heliodorus autē e cælo quodam sibi nu
mine apparente subito in terram deiectus uariis ē
confectus uulneribus: Quam ob rem omni salutis
spe destitutus ex eo ipso loco quē paulo ante sum
ma superbia summaq; iactantia īgressus fuerat ma
xima satellitū stipante caterna a paucis postmodū
semianimis extractus est : Sed paulo post reddita
sibi sacerdotum orationibus pristina insperataq; sa
lute: cum multa uouisset īfecto negotio ad regem
cum exercitu remeauit: Vbi cum ea quæ sibi appa
ruissent e cælo/et quæ ī se ipso expertus fuisset opa
magni dei ubiq; priuatim ac publice testaretur
a rege interrogatus est: quis nam hac de causa Hie
rosolimā iterū mitti sibi aptus uideretur . Si quē
inquit habes hostem aut regni tui insidiatorem il
luc eum transmittito . Eum enim si tamen uiuus
euaferit flagellatum recipies: q; in eo ipso loco ue
re sit quadā uirtus cælestis atq; diuina. Nam maxi
mus ille cæli terræq; creator: q; sūmo consilio sum
maq; sapientia omīa regit moderaē atq; gubernat

Heliodorus
a deo pcul
sus .

Heliodori
vera confessio

Experto cre
dendū tibi.

Qualiter
habeātur sa
cerdotes ho
rū temporū

eiusdem loci custos / acerrimusq; defensor existit.
Quicūq; igitur spreta religione uim aliquam eidē
intulerint impias ue in eum manus iniecerint : ne
quaq; sibi putent impune futurum. Tales et. n. eo
usq; insequitur : uariisq; calamitatibus et cruciati
bus afficit : quoad perpetrati facinoris luant meri
tas pœnas atq; supplicia : huius uero rei ego ipse op
timus testis existo : qui hac de re paulo ante in me
metipso periculū feci. Vereor profecto Serenissi
me princeps : ne quod Heliodoro accidisse diximus :
id quoq; qui sacrarū rerum tributa exigunt aliquā
do ifœliciter eueniat : tū quidē quia id agūt : a quo
si recte saperent procul dubio abstinerēt : tū uero
maxime quia id ipsum a plerisq; sūma imo destia :
nullaq; religionis aut inopix habita ratione agīt.
quod tamen ab illius uestri inclyti sapientissimiq;
senatus uoluntate lōge arbitror abesse. Vt scilicet
in huiuscemodi exactionibus sacerdotes / deiq; mi
nistri : qui perpetuo studio cultui diuino p omniū
salute uacant : aliquā prorsus iniuriam patiantur.
Verū id priuatorū cōsiliis fieri magis ascripserim ;
q hoc quidē pacto hocq; inhonesto ministerio il
lustrissimo Senatui uestro gratificari cupiūt. Qua
pp se in exigendo austeros rigidos et inhumanos
p̄stare conantur. Nisi. n. ad diē prefixū pecuniæ p̄

stro sint: adsunt sæui exactorū ministri: ī miseros sa-
cerdotes īpetū faciūt: cōuiciis lacerant/ obprobriis
onerāt: cōtumeliis uariisq; calūniis sauciant: Eorū
substātiā ac suppelectilē asportāt/ diripiūt: auctōni-
bus uendūt: plus fere ī p̄dā q̄ in solutōnis sortē ce-
dit. Heu omībus retro seculis inaudita īpietas. O
sūma crudelitas omni supplicio uīdicāda. Hæc ne
xp̄iano nōi conuenire censenda sunt? Existimare
debemus deū tāta facinora cōtēnere posse? Cætera
qdē peccata et si grauiā: ueniā tamē aliquādo pla-
cato deo cōtritione merent̄: Sed ubi rebus sacris ui-
olētas manus inieceris: tū deniq; deum iratū expa-
ueas. Adest. n. subito uīdex īpietatis: ac debitas pœ-
nas illico districto et horrēdo iudicio reposcit. Nūc
uero ad huius rei maiorē certioremq; scientiam sa-
ris cōmode referri posset infœlicissima. Cn. Pom-
pei clades atq; iactura: cui primo tantum fauīt at/
q; arrisit secunda fortuna: ut iuxta Ciceronis sentē-
tiam nemo unquā tam imprudens arbitrandus sit
aut fuerit: qui a deo īmortali tot ac tantas res taci-
tus auderet optare: quot et quantas ad. Cn. Pom-
peium plenissime deus ipse cōtulerit. Verum tamē
quia secundum Liuium patauinum ac Iosephum
totius hebraicæ historiæ scriptorem luculentissi-
mum templi Hierosolimitani facultates ac dona

Ingens im-
pietas.

Cn. Pom-
peius.

Cicero.

Liuius.
Iosephus.

Pópei exi /
tus ob tem
plū Hiero
solimis ex
poliatum .

M. Crassus

M. Crassus
ob tépli Hie
rosolimitái
direptiōem
ppria ma
nu cōfossus,

profana impietate diripere conatus est: miserandū sibi postea exitum comparauit. Quā enim tristi ac infœlici pugna in Thesalia aliisq; locis cum Iulio Cæsare decertauerit: nec non q̄ miserabiliter a puero Ptolomeo in quo maximam ac præcipuā spē collocauerat occisus atq; truncatus fuerit satis ex ploratū habemus. Paria ac ut sic dixerim sororia istis etiam. M. Crasso contra Parthos Romanis infestos bellum gerenti euenere. Is enim ad bellum proficiscens cū illud idem iudeorum templum diripuisset: atq; sicuti Iosepho placet inter cætera auream trabem templi centum et quinquaginta minarum auri confregisset: et i militum sumptus impie conuertisset: adeo infœlici postmodum et infauitissimo bello contra ipsos Parthos decertauit: ut iter maximas ac grauissimas Romanorū clades ac iacturas non immerito connumeretur. Primo. n. filius optimæ indolis ante carī parentis oculos Parthicis telis extinctus est. Plurimæ deinde pulcherriam legiones totius Romanæ militiæ decus miserabili sunt strage confectæ. Multa preterea eorū signa hostilibus manibus intercepta: reliquus uero exercitus qui tantæ cædis superstes extitit quemcunq; rapuit fuga in Armeniā Ciliciam Siriāq; distractus est. Postremo Crassus ipse satis q

dem iusto optimi dei iudicio ab hostibus captus
crudeles sibi magis delegit manus inicere: quā uiuus
barbarorū manibus turpiter abduci: Nam uirgā
quandam qua equum urgebat in oculū suum ipse
met altius impressit: Sicque confossus duro mortis ge
nere impiam animam efflauit. Cum uero perditū
eius caput una cum dextera manu a barbaris esset
abscisum/ et ad regem Aristonicum deportatum:
summo hostibus ludibrio fuit: et uti uiro de rebus
sacris pessime merito aurū liquidū in os eius iustis
sime infusum est: Vt cuius animus nefaria sacri au
ri exarserat cupiditate: etiam eius mortuum et exā
gue corpus auro ipso adureretur. Talia sunt igitur
munera/ talia premia / talisque mercedis retributio
eorum qui res sacras diuino cultui dedicatas diripi
pere sibi que uendicare: aut in alios eas usus distrahe
re presumunt. Verum sicut istis ob contemptam re
ligionē graues ultiones legimus inflictas: ita quoque
piis cultoribus ingentia premia felicesque rerum suc
cessus æquissimo dei iudicio fuisse concessos. De
Alexandro quippe Macedone inuictissimo rege
memoriæ proditū est: eum erga res sacras cerimo
niasque diuinas liberalissimū semper ac munificen
tissimum extitisse. Cū enim adhuc admodū iuue
nis esset ætate inter sacrificandū utraque manu thui

C. I.

Crassi mor
tui in os ob
maiores uin
dictam aurū
liquidū fusu

Alexander i
res sacras li
beralissimus

Leonida in
Alexandri
redargutio.

Alexandri
pulchra re
sponsio. *No*
Aurea uerba *ta*

Alexandri in
sacerdotia
dum ingens
humilitas.

ra ac preciosa odorama pro ipsis sacrificiis diui
nis exciperet: tum Leonidas inquit. O Alexander
cum terris ferentibus aromata imperitabis: hoc pa
cto tam large tamque effuse euaporare poteris. At
impresentiarum consulte rebus utere partius. Tum
Alexander. O Leonida id a te potissimum expeto:
Vt si secunda peroptas: cum sacris numinibus par
cus esse desistas. De eo quoque in Iosepho legitur:
sicut et in aliis quoque ueteribus historiarum moni
mentis passim traditur: multa ac insignia sacratis
simo illi iudeorum templo eum munera contulisse:
et maximo deo nostro: propriis manibus immolas
se. Tanto insuper honore: tantaque reuerentia lad
dum summum illius templi sacerdotem prosequu
tus est: Vt etiam humi stratus eum adorarit. Ius
sit denique ut iidem sacerdotes: templique ministri:
quicquid uellent libere poscerent. Inter cetera ita
que ingentia dona: hoc quoque illis contulit: ut genti
illi perpetuo patriis liceret legibus uti: nec non ut
per septem annos: uniuersa iudeorum gens ab omni
ni prorsus tributorum onere libera esset: et immu
nis. Postremo uero statuit: ut quisquis ex habreo
rum gente secum militare decreuisset: summa huma
nitate: summoque ab omnibus honore coleretur.
His itaque omnibus hoc modo pactis: quasi diuina

uirtute cōmunitus / magno tunc animo aduersus
Indos strenue mouit exercitū / summaq; et incredi
bili celeritate Porru illum potentissimū / ac pene ī
superabilem indorū regem insigni uictoria supera
uit. Non possum profecto hoc loco insignē illum
Themistoclē non summis attollere laudibus : quē
inter ceteras eius illustres / maximasq; uirtutes / q
bus egregie præstitit hac precipue religionis / diui
narumq; rerum obseruantia ceteros ætatis suæ ui
ros antecelluisse constat . De eo quippe memoriæ
proditum est : qd cum a publicis rebus gerendis ua
cuus esset si quid sibi ocii daretur : illud plerunq;
ad splendidos sacrarū ædium apparatus / et deorū
tēplis affixa donaria / curiose et accurate uisenda
cōferre solebat . Quare omni diligentia / omniq;
cura inspectabat : ne quid unq; quis demoliretur :
ne qd usq; deesset : qd ad deorū religionē / et cultū
optime nouerat p̄tinere . Quā ob rem si ii de q;
bus nunc diximus tam deuoti / tamq; religiosi sup
stitiose diis falsis obsequendo fuerunt : q̄to magis
nos Christiani id agere debemus : qui ueri et æter
ni dei cognitionem tenemus ? Qua inq; cura / qua
diligentia / quo studio / quo conatu / qua pietate /
et obseruantia excolenda nobis est uera et indu
bitata religio ? Qua uerus ille cæli terraque

c . ii .

Alexander
pp sacerdo
tes bene habi
tos / Porru
Indorum re
gem uicit .
Themisto
cles omnium
ætatis suæ re
ligiosissimus

Qualis esse
debet qui deū
uult habere
propiciū.

creatori et rector colitur et adoratur: Qui non so-
lum nobis cuncta hæc terrena / ac temporalia bo-
na / fœlicesq; rerum euentus sine cuiusq; adminicu-
lo iugiter prestat: Verum etiã animis ipsis / cum e-
corporum custodia exceſſerint beatam immortali-
tatem / ac æternam tribuit fœlicitatē si tamen uitā
hanc recte laudabiliterq; duxerimus: quæ quidem
dii illi gentilium non solum cultoribus suis presta-
re non poterant: Verum etiã in nullo prorsus abs-
que dei nutu illis ꝓdesse aut obesse ualebant. Si
qua uero cōmoda / aut etiam detrimenta eos ali-
quando hominibus legimus intulisse id solius dei
et eo quidem equiori quo secretiore euenisse ꝓ-
missione firmiter sentiendū est. Neq; enim quic-
q; in hoc mundo fieri aliquando potest absq; eius
imperio: qui solus est omnium rerum fons / origo /
primumq; principiū: qui solus hunc mundum re-
git / moderatur / et mouet. Quo circa longē qui-
dem maiori studio propensioriq; diligentia nobis
enitendum est: si deum ipsum bonorū omnium
largitorem optamus habere propiciū: ut religio-
nis / ac diuini cultus integritas accuratius obserue-
tur: ne quid impium erga templa / ac deo dicata
bona / ne quid a nobis erga sacerdotes / deiq; mi-
nistros peragatur indignum. In quod quidē ini-

pietatis genus si quando prolabimur' certo noueri
mus eadem nobis infligenda eē supplicia: quæ fal
sos illos deos: immo uerū deum per ipsos contēpto
ribus suis intulisse antea diximus: et eo quidē atro
cius et grauius: quo maior est / ac scelestior offen
sa ueri summiq; dei q̃ demonū falsorumq; deorū.
Quam ob rem animaduertite nunc quæso Claris
simi Veneti. Animaduertite inq̃ æquo / claroq;
rationis intuitu: q̃ prospere ac secunde / deum ac
ipsa dicata bona uenerantibus omnia successere:
Quam etiam infœliciter / contēnentibus / uel im
pie profanantibus: neq; mirū uobis profecto ui
debitur: si parum prospere uobis res uestre succe
dunt: si qua incōmoda / ac pericula: si quam cladē
ac calamitatē: si quam iacturā et pressuram susti
netis. Non. n. eiusmodi sunt hæ uestre diuinarū
rerum exactiones: quæ uobis dei omnipotentis au
xilium implorent. Non quæ imminentē uindictā
et ultionē auertant. Non tales proculdubio sunt
quæ uobis uictoriam ac fœlicem euētum belli pro
mittere queant. Longē profecto uos uestra fallit
opinio: Si sic opinamini: si sic uobis persuadetis
uestro (mihi credite) uos inq̃ uestro mucrone cō
ficitis. Neq; enim hæ uobis ut antea diximus / ali
quod afferunt adiumentum sed magis perindel ac

c. iii.

Trogus Pó
peius.

Brenus dux
Gallorum.

Brenus ad di
ripiendum
apollinis tē
plū propans
Dei iudicio
uulneribus
multis affec
tus se ipsum
interficit stra
to prius exer
citu.

Pyrrhus sa
ros thesau
ros asportās
nauffagium
passus eos re
stituit.

letale uenenum plurima detrimenta / maximasq;
iacturas . Non hæ deniq; diuinā iram demulcent:
sed puocant magis / et assiduis clamoribus expo
scunt. Legimus sane aliquādo apud Trogū Pōpe
iūm: uirū eloquētissimū / summaq; auctoritate cō
spicuū: Regē quēdam gallorū noīe Brenū / cū Ma
cedones bello deuicisset / quasi terrena iā sibi spolia
sordescerēt / animū ad deorū tēpla spoliāda cōuer
tisse / scurriliter quidē iocatū Locupletes deos ho
minibus largiri oportere. Cum igitur delphos ad
Apollinis tēplū dirripiēdū pperasset: ubi maxima
uis erat auri / atq; argenti: subito exorto terremotu
montis non modica pars abrupta ē: quæ uniuersū
fere gallorū strauit exercitū. Dux uero Brenus cū
uulneribus plurimis affectus et ipse fuisset / atroci
tatēq; doloris amplius tollerare nō posset: se ipm
pprio pugione peremit: Sicq; ob ausum scelus de
bita supplicia / digna morte p̄soluit. Pyrrhus uero
cū Locrēses ex thesauro dæ Proserpinæ / magnā si
bi pecuniā dare coegisset: Cūq; hac nefaria preda
onustus enauigaret: ui subitæ tēpestatis tota cum
classe / uicinis dæ littoribus totus illisus est: in qui
bus deinde reperta pecuniā denuo thesauri custo
diæ restituta est. Verum quid ista longius prose
quor? Vereor enim si cuncta antiquorum exēpla /

huic proposito nostro accommodata / presenti ser /
mone cōplecti uoluerō / me scribendi modum ex
cessurū; tot namq; sunt: ut pre eorum multitudine
uix enumerari queant. Omitto itaq; illud. Q. Cæ
pionis exemplum qui consul cum tholosanū oppi
dum diripuisset: multumq; auri / et argenti in eius
oppidi templis compertum fuisset: quisquis in ea
dirreptōne aurum cōtingere presumpsit / horribili
statim dolore / ac cruciatu e uita migrando perpe
trati sacrilegii pœnas meritas dedit. Omitto Xersē
Persarū Regē: qui quatuor armatorū milia misit
Delphos ad Apollinis templum diripiēdum / atq;
uastandum. Quæ quidem multitudo imbribus to
ta atq; fulminibus deleta est / penitusq; consump
ta: Ut uel sic intelligeret Xerses / quanto maior
esset deorum iniuria: tanto nullas aduersus de
os esse hominum uires / atque conatus. Quæ sa
ne uīdicta / iis quoque temporibus satis accommo
dari posse uidetur. Itidem namque uobis fere sæ
pius euenisse conspiciamus: ex quo ecclesiarum bo
na tollere et in stipendia ea militum erogare cœ
pistis. Non solum enim / ut uos metipsi quoque
optimi testes esse potestis / onerariæ naues in /
genti bellico apparatu / multis uariisque bellicis

c. iiii.

.Q. Cæpio.

Vindicta in
gens in sacri
legos.
Xerxes.

Quatuor mi
lia ad spolian
dum Apolli
nis templum
missa fu mi
nibus deleta
sunt.

ornamentis onusta: demissis e caelo fulminibus uariis tempestatibus | uariisque periculis : miserabile pertulere naufragium . Verum et multa hominum milia / multis incommodis / ac calamitatibus oppressa infeliciter corruerunt: adeo ut nulli uel pauci admodum: quos ad hoc bellum contigit proficisci salui / incolomesque redierint . Vnde quaeso Clarissimi Veneti haec tantae clades ? Haec tantae hominum cedes ? Vnde tot incommoda / et aduersa ? Nisi propterea quod non aduersus homines tantum : Sed aduersus deum / eiusque cultum geritur hoc bellum ? Sed de hoc satis . Nunc enim ad haec tempora nostra conuertenda est oratio: et domesticis exemplis claudenda . Non solum enim antiquorum nobis exempla sufficere debent : si et nostra quoque commode afferre ualeamus : Presertim cum multos dicturos non dubitem . Cur nobis gentilium / totque sanctissimorum deorum exempla proponis ? Cur inquam nobis eorum quae a uera erant diuinitate semoti / uultiones adducis ? Quibus commode satis et opportunè respondendum est: a me id circo istiusmodi deorum exempla commemorata fuisse : Vt facilius inde / planiusque perciperemus : quod acerrimus sui ipsius uindex esse debeat noster imo omnium deus in eos: qui cultui suo dedicata bona impie dirripere | et in alios ea

Qualis deus
noster i sacri
legos erit: cum
ii qui non sunt
dii tales fuerint .

usus trāsferre presumunt. Ex quo ii q̄ falso dii uo-
citabātur et erant: q̄ q̄ omni pr̄sus diuinitatis nu-
mine carebant / tam saeuas ultiones / tamq̄ p̄nitio-
fissimas clades / ob eorum sp̄retā religionem / ac sa-
crarū rerum impiissimā direptionem . Tales inq̄
dii / immo uero magis deus ipse p̄ eos traditur in /
tulisse . Cur autē id fieri p̄miserit æquissimus de-
us: ut hi qui demones magis erant q̄ dii / ab homi-
nibus tam graues / tamq̄ manifestas pœnas exige-
rent : ea potissimū ratio fuit: quia nimirum quod
erat in eis ueram religionē ueramq̄ diuinitatē con-
tēbant: quādo ea ipsa idola uariis sacrilegiis / et
impietatibus aspernabant: quæ licet falso : Veri ta-
mē dii uulgo credebant: et ab his maxime : q̄ faci-
nora talia p̄petrabant: et non nihil numinis p̄sefer-
re uidebātur. Quā ob rem diuinitas ipsa istiusmo-
di contēptus / et iniuriæ debita supplicia / haud im-
merito reposcebat . Cum nunc uero talis ignorā-
tiæ remota caligine / p̄ huiuscemodi scelera directi-
us cōtemnat: grauiora quoq̄ / et acerbiora tormē-
ta suis cōtēptoribz īfliget. Sed nūc tandē ad nostri
tēporis hoīes unde digressi sumus reuertat̄ oratio.
qd̄ igit̄ cladis et infœlicitatis īpiissimo Federico se-
cundo cōtigerit / ob ecclesiæ uiolatā libertatē / id ne
quaq̄ opus est multis uerbis exprimere. Id. n: uni

Federicus se-
cundus .

Soldanus
Aegypti prin-
ceps.

Federici secū-
di ob sacrarū
direptionem
exitus.
Cararienses
principes.

cuiq; historiarū perito satis est cognitum. Nā cum
ab Innocentio pontifice tertio / ad imperii digni-
tatē euectus esset: crucemq; pro expeditione cōtra
Christianorū hostes assumpsisset: tum ifano atq;
pestifero ad sui ruinam suscepto consilio / in eccle-
siastica ac deo dicata bona conuersus: ea dirripere
et in profanos usus transferre non timuit. Hic ita-
q; ad eam usq; cecitatem / ac nefandā rabiem p-
lapsus est: ut cum maximo Egypti principe / quē Sol-
danum uocitant / ad religionis / et ecclesiarū euer-
sionē / sacrilegas pactiones inierit: cōsenferitq; p-
sus a quibus religiosæ ac christianæ menti summo pere-
sset abhorrendū. Atqui debitas pœnas perpetrati
sceleris diutius non effugit. Nam post multarum
urbium dirreptionē / post multas atq; diuturnas cū
Romana ecclesia dissensiones: post innumeras sa-
crarum rerum prædas / post multa deniq; ac ima-
nia sacrilegia proprium filium suspitione affectatū
imperii teterrimis carceribus adactū crudeliter diē
suum obire coegit. Ipse deniq; grauibus ecclesiæ cē-
suris affectus execrabiliter uti par erat a Manfredo
naturali filio suffocatus est. Non pretermittā hoc
loco Carrariensium principum in simili impietate
non dissimilem calamitatem: nam cum rerum sa-
crarum usum / ob pestiferum ab eorum emulo ac /

ceptū cōsiliū sibi ip̄ie uēdicassent: īperiū postea ac
ip̄am celeberrimā urbē patauiū / et natura / et ope
munitissimā: quæ uix expugnari posse cēsebat / fa
cillime amiserūt. Neq; .n. mentitus ē ille q̄ ait Nisi
dominus custodierit ciuitatē frustra uigilat q̄ cu /
stodit eam: et nisi dominus exercitū iuuerit: inua
nū p̄fecto laborat: q̄ illum prudētia sua deducere
nitiť. Sic illa quoq; sancta Iudith cum īsolentissi
mi caput Olofernis p̄prio eius mucrone detrūcas
set / egregie domino p̄cinebat. Non ī multitudīe
est uirtus tua domine: neq; ī equorū uirib; uolun
tas tua: sed humiliū semp et mansuetorū tibi placu
it deprecatio. Quā ob rem si uos quoq; in maxi
mo ac splendido nauīū apparatu spem uestrā loca
ueritis: neq; bonis operibus ac sacrarū rerū diligen
tiore cultu deum placare cōtenderitis: satis p̄fecto
p̄timescēdū est: ne irato eo frustra uobis belli uicto
riā promiseritis: Cum iuxta illud insigne oraculū
inuictissimi Dauit ī domino magis cōfidendū sit
atq; sperādū. Sic qppe dicebat. Hi ī curribus et hi ī
eqs: nos aut ī noīe domini dei nostri uictores eri
mus. sic p̄fecto maiores uestri hostes suos terra ma
riq; strenue debellarūt. Sic crebras uictorias ac glo
riosa retulere trophea: ceterū cōsiliū nūq̄ inire uo
luerūt: ut res sacras / ac religiosorū bōa cōtīgerent

Patauiū a ca
rariensibus
amissum ob
rerū sacrarū
usum sibi uē
dicatum.

Iudith.

Olofernes.

Dauit.

Optimū con
siliū p̄isco
rū uenitorū.

Philippus
Maria.

Philippus
Maria / et re
gni maxima
parte et sani
tate corpora
li / et posteri
tate familię
sue ob sacro
rum direptio
ne priuatus.

aut bellicis ea usibus traderet. Percutrite uos ^histo
rias uestras Annales et monumēta uersate: nunq̃
illos iuenietis / ex rebus sacris belli sibi parasse sub
sidia. Postremo uero ante oculos uobis Philippi
Marię recens pponatis exemplū: q̃ cum secundos
admodū in rebus suis successus habuisset: et oīa si
bi pene ex sentētia cōtigissent: Ad eā deinde isani
am / eamq̃ dementiā animū inclinauit: Vt eccle
siastica bona sibi absq̃ timore uēdicare p̃sumeret.
Sed ecce q̃ pulchre debitas pœnas exsoluit: Non
solū .n. multis / assiduisc̃q̃ bellis defatigatus īperii
sui partē non modicā amisit: et inimicos suos pro
pe niēnia pprię ciuitatis discurrentes audiuit. Ve
rum ēt ī corpore suo graues / acerbosq̃ ptulit mor
bos: adeo ut lumie oculorū orbatu infelicē admo
dum longo tēpore egerit uitā. Quē uero exitū ha
buerit eius imperiū: quo ue pacto illius illustris fa
milie posteritas extincta sit nullaq̃ in eo relictā sit
dominii successio unicuiq̃ ob rei ipsius recentem
memoriā satis potest esse perspicuum. Quorsum
igitur tam multa tam longo ac uario sermone con
scripta? Quorsum tam innumera gentilium et
paganorum pariter ac Christianorum exempla?
Hac omnia nēpe Serenissime Princeps Vosq̃ Cla
rissimi Veneti pro meo in uestrā rem Pu. studio /

et amore commemorasse / ac breuiter perstrinxisse
uolui: tum quidem: ut eorum animus / qui in hac
sacrarū rerum rapiendarum opinione uersantur:
et priscorum exemplis / et rebus a se infœliciter gel-
stis ad saniora / melioraq; consilia capienda rescipi-
scat: Tum uero ut unusquisq; optime intelligat:
nullum unq̃ non solum nostrorū: Verum etiam
antiquorum temporū inuentum fuisse: qui deo di-
catis rebus / impias quandoq; manus admouerit:
cui longo tēpore res suæ prospero / fœliciq; cursu
suceſſerint: aut is non statim meritas pœnas exsol-
uerit. Quod utinam a uobis imperioq; uestro a-
uertat clemētissimus deus. Quas ob res ne in lon-
gum nimis nostra protendatur oratio. Vereami
ni uereamini et uos Clarissimi Veneti si in hoc ue-
stro proposito diutius perſtiteritis: ne tot impendē-
tibus malis ac periculis / grauiora etiā subire ac to-
lerare cogamini. Non arbitremini id uobis magis
q̃ cæteris impune futurum: Lento enim gradu ad
sui uindictam diuina procedit ira: tarditatēq; sup-
plicii pœnæ grauitate compensat.

Nunq̃ profecto a p̃stantibus in re publica guber-
nanda uiris laudata est in una sentētia imota p̃mā-
ſio: Sed ueluti in nauigando / si portum tenere nō
queas tēpestati obsequi artis est: Cum uero id mu-

Nullus unq̃
sacrilegus
diu de sacrile-
gio gauisus.

Optimū con
filiū attendite
Veneti .

rata uelificatione assequi ualeas / stultum profecto
est / et insanū eum cum periculo cursum tenere :
quem prius cœperat . Sic nempe et in administrā
da re pu. gerendum est. Neq; enim idem semp cō /
filium / eademq; sententia sequenda est. Sed quod
honestum / quod utile / quod fœlicē rei pu. digno /
scitur afferre successum. Id certe sequendum / id
amplectendum : et in eo diutius firmiter permanē
dum . At uero si id rei pu. perniciosum esse discer
nitur : fatuum profecto esse / ac temerarium unus
quisq; sanæ mentis itelliget : id cum periculo seq :
quod possis cum salute / ac gloria declinare . Nūc
igitur clarissimi ueneti me salutis uestre cupidissi
mum exaudite . Vobis uestrisq; rebus melioribus
consiliis succurrite. Venetorum nomen toto orbe
celeberrimum / sanctōribus institutis custodite. Va
rias uobis impendentes procellas / ac tēpestates / fa
lubrioribus remediis amouete. Vt talibus cōsiliis /
talibusq; sententiis / et rebus uestris / et uniuersæ p
uideatis rei pu. Christianæ : Cuius salus e uestra
dependet.

FINIS

Questio disputata per .D. Celsum Veronensem
Canonicū regularē cōgregationis lateranen. uide
licet An aliqua res pu. possit conducere iudeos ad
fœnerādū sine peccato | et ēt an Papa ualeat cōce
dere q̄ id fieri possit sine peccato .

A X I M A Controuersia | atq; dubi
ratio Paduæ fuit: An aliqua res pub. pos
sit cōducere iudeos ad fœnerādū sine pec
cato. Et an papa/ uel uniuersalis ecclesia
posset id concedere fieri sine peccato. Et quia ali
qui theologorū | et canonistarū ausi sunt temere
affirmare q̄ sic/ supponētes et affirmātes q̄ iudei
possunt fœnerari sine peccato: Ideo primo queren
dū ē: An iudei possint exercere usuras sine pecca
to. Primo dicendum q̄ falsum est q̄ iudeus possit
exercere usuras prout usuræ sunt/ et hoc sine pec
cato: imo nullus omnino hoīum ēt paganorū gēti
liū/ et quorūcūq; rō ē q̄a usura ē cōtra legē naturæ
quæ oēs hoīes obligat et semp obligauit et obligat
bit. Nam contra legem naturæ non cadit dispensa
tio: q̄a omne decēs ī ea īcludi: Vnde lex naturæ se
cūdū qd magis obligat q̄ ius diuinū: Nā cōtra ius
diuinū aliq̄do scā ē dispēsatiō ut patet d̄ p̄ceptis ce
rimonialibus/ ut de sabbato et ce. Sed nō cōtra ius
naturæ: q̄a ēēt dispēsatio cōtra omnē decētiā cōtra

an iudei
possint ex
ercere usuras

Usura q̄
legē naturæ

Ius nature
quō magis
obligat q̄ ius
diuinum .

Richardus.

omnem ordinem naturalem \ cōtra omne dictamē
rationis/ et contra omnem moralitatem. Vnde Ri
chardus de media uilla in quarto .di. xvii. ar. ii. q.
vii. dicit q̄ omne quod est de iure naturæ est de iu
re diuino: quia deus creauit naturam/ et ius in na
tura: Sed non omne quod est de iure diuino est de
iure naturæ/ ut patet in multis cerimonialibus quæ
aliquo mō etiam primis p̄cipiis naturalibus non
erant conformia / sed magis repugnabant secūdū
quid: licet non omnimode: Ideo mutata sunt et
potuerunt mutari. Tamen ī glo. di. i. c. ius naturale.
Videtur etiam poni q̄ omne / quod est de iure di
uino est de iure naturæ: sed nō ibi stricte accipitur
ius naturæ: sed large uidelicet inquantū etiam na
tura dictat / ut pareamus deo / quoquo pacto ali
quid p̄cipienti et cet. Ob quam quidem rem: quic
quid fuit in lege ueteri/ quod fuit secūdū ius na
turæ proprie acceptum non fuit mutatum nec po
tuit rationabiliter mutari / et modo obligat et sēp
obligabit / nec papa contra tale ius potest dispen
sare. Vnde bene dixit hugo de sancto uictore li. i.
de sacrīs par. xii. q̄ precepta alia sunt mobilia alia
immobilia: mobilia sunt: quæ ad tempus sunt or
dinata: imobilia autem sunt: quæ a natura ueniūt/
et ad istum intellectū potest accipi quod dicit Ho

Hugo.

sti: et alii doctores super .c. constitutus de re. do.
q̄ omne idecens / est deo ipossibile et indispensabi
le omnino / et multo magis Papæ: qui est uicari /
us dei / et eius uices agit: sed tale est illud quod est
contra naturalē equitatem. Ob hoc etiā dicit An
selmus / q̄ quia mendacium est contra naturam
adeo est peccatū: ut deus non possit dispensare ut
dicatur sine peccato quia non potest recedere a
ueritate sua etc.

Anselmus.

Ed modo probandum est q̄ usura sit con
tra natutam et contra omnem naturalem
equitatem. Quia usurarius uult uendere
id qd̄ non est in rerum natura uidelicet usum re
rum quæ non habent usum distinctum ab ipsis re
bus / uel a consumptione ipsarum rerum / aut di
stractione / ut est usus pecuniæ: et frumēti: et uini
ga ipsorū usus est eorū cōsumptio uel distractio:
nec alio modo possunt uti / et maxie pecunia / quæ
ad hoc inuenta est / ut sit media in cōmutationi /
bus / ut dixit Aristotiles primo politicorum et .v.
Ethicorum: Vnde talium rerum usus non potest
concedi nisi concedatur res / seu rerū dominium /
quare isti dicuntur uelle uēdere bis unam rem / uel
id quod non est .s. uendunt uinum et usum nini
seorsum: Similiter tales uolunt duplicem compē
d .i.

*q̄ usura
sit ḡ nat
ram*

Aristotiles.

Math.
Luc.

Leo Papa.

sationem primo pecuniæ suæ iam datæ / ad domi-
nium alterius : Deinde nolunt premium de usu il-
lius pecuniæ / quæ amplius post mutuum non est
sua . Dicitur etiam usura contra naturam pro-
prii contractus mutui / quia de natura et essentia
contractus mutui est / q̄ sit gratuitus Math. x. gra-
tis accepistis et gratis date. Et Luc. vi. mutuum dā-
tes nihil inde sperātes nam sicut gratia non est gra-
tia / si non gratis datur / ut dicit Leo Papa et ha-
betur .i. q. i. c. primo sic mutuū non est mutuum
si non sit gratuitum : sed usurarius uolens merce-
dem in mutuo rerum / quæ non habent usum di-
stinctum / ubi etiam datur dominiū : peruertit na-
turam contractus gratuiti mutui in mercenariū
ubi non potest esse merces / quare agit contra na-
turalem iusticiam ipsius contractus mutui .

Einde usurarius peruertit dominia rerū / et
agit contra dominiū naturale rerum . Nam
de natura et essentia contractus mutui est /
q̄ transferatur dominiū in mutuatarium .i. in eum
cui fit mutuum / ut etiam habetur in .l. ii. §. apella-
ta . ff. Si certum petatur . Ethimologia etiam
nominis id declarat : quia mutuum dicitur qđ de
meo fit tuum : Nam proprie mutuum non fit ni-

si in rebus ubi transfertur dominium : Sed usurarius post mutuum uult dominium in rebus ubi non habet : et propter illud dominium uiolentatum et quod non ē / uult premiū usus : Quare iniquissime agit contra naturalia rerum dominia . Sed euertere aut peruertere naturalia et essentialia rerum est solius dei / et non humanæ facultatis nisi inique agentis ergo etc.

Item contra naturam facit usurarius quia uult uendere homini res suas proprias scilicet propriam industriam / quia pecunia mutuata ex se nihil faceret et semper mortua esset : Sed si lucratur ex industria est mutuatarii : Sed durū est et iniustum ac innaturale / q̄ alicui industria sua propria sibi uendatur : sicut iniquum esset si sibi uenderetur propria domus in qua iam habet dominium : Sed talia facit usurarius ergo etc. Sed q̄ illa pecunia sit omnimode illius qui mutuo eam accepit patet : quia si immediate eam amitteret in damnum suum sibi cederet / et non mutuantis tanquam rem propriam ammisisset quare etc.

Item usurarius agit contra naturā quia uult q̄ res quæ non faciunt fructum naturaliter faciant fructū : Vnde ab Aristotile primo politicorū usura uocatur partus cōtra naturā et hoc tangit ab Am

Aristoteles .
Ambr.

d .ii.

brofio cum dicitur usura arte nequissima / et ex ip
so auro nascitur aurum et habetur di. xxxvii. c. si
cut : Iste profecto partus est partus diabolicus : et
non naturalis ymo uere iniquissimus .
Item posset dici qd usura est contra naturam tem
poris : quia usurarius uult tempus alteri uendere
cum sit omnibus comune : ut arguit extra e. c. con
sultat nam de concessione temporis uult lucrum .
Item contra laborem quia uult premium usurari
us sine labore : Dicitur enim communiter qd om
nis labor optat premium extra de re. eccle. non
ali. c. ad nostram et xii. q. ii. caritate : sapien. iii. etiam
dicitur bonorum laborum gloriosus est fructus . Insti. d.
legip. pa. §. cognatos. et. ff. commodati . l. si is. §. i.
sed fructus usurarii non esset bonorum laborum :
sed sine labore contra illud apostoli . ii. thi. iii. si
quis non uult operari non manducet . Volunt ip
si triumphare / lucrari / gaudere / et hoc ex labore
et sanguine pauperum : Deinde uolunt lucrari
in die pasce in die natiuitatis domini in die ascen
sionis et nunquam cessant a fructu nec celebrant di
es solenes etc. Concludendo ergo cum usura sit
contra omnem equitatem naturalem non potest fieri
sine peccato : Et ideo dicendum qd iudeis nun
quam fuit licita usura / sed bene pro redemptione rerum

usura

usura

*nunquam fuit licita usura
bene pro redemptione rerum*

*o nullus theologus nec canonista timore
q. metus gressu usura ut usura licita*

ad se pertinentiū / et sic intelligitur illud deuter.
xxiii. Vt etiam habetur xiiii. q. iiii. Ab illo : quia
illis quibus possumus inferre bella possumus dare
ad usurā : quia eo modo nostra redimimus : Ideo
a nullo theologorum unq̄ concessum inuenitur /
q̄ usura ut usura fuerit licita / nec etiam ab aliquo
canonistarum timorato / quia pro ista sententia
est hosti. i. summa de usuris. §. an aliquo casu uer.
octauo : Similiter Io. An. in. c. conquestus de usu /
ris similiter Budrius Car. Zab. et quasi omnes in
capitulo cōquestus. Idē ē Ray. i. summa et Arch.
in. c. ab illo xiiii. q. iiii : Sed si quis perseueraret in
sententia peruiaciter dicendo q̄ deus permiserit
iudeis usuram ut usura : quod tamen non credo /
tūc posset ēr aliter dici iuxta illud Th. secūda secū
de q. lxxviii. ar. primo i. responsione secundi ar. et i
tertio sententiarū distin. xxxvii. ar. ultimo : q̄ pri
mo accipere usuram a quocunq̄ homine est sim
pliciter malū : debemus. n. habere omnem hominē
quasi proximū et fratrem praeipue i. statu euangelii
ad quem omnes uocantur . Vnde in psalmo abso
lute dicitur : qui pecuniam suam non dedit ad usu
ram etc. Ezechiel xviii. qui usurā non acceperit .
Qd̄ aut̄ iudei ab extraneis usuras acciperēt nō fu
it eis cōcessū quasi licitū / et tāq̄ res quæ fieri posset

*quibz poss
inferre be
possumz
ve ad vph
ram*

*an de ipe
miserit v
ram iude*

Tho.

Ezechiel.

*quō iudei tunc
sunt per accipere
usuram ab extraneis*

fine mortali: sed permissum fuit ad maius malum
uitandum ne scilicet a iudeis deum colentibus usu
ras acciperent propter auariciam cui dediti erant:
ut habetur Isaya xlxvi. Quod autem in premi
um promittitur fœneraberis gentibus multis: fœ
nus ibi large accipitur p mutuo sicut ecclesiastici
xxviii. dicitur. Multi causa nequitie non fœnera
ti sunt. i. non mutuauerunt: promittitur ergo in
premium Iudeis habundantia diuiciarum: ex qua
contingit qd aliis mutuare possunt: permisit et eo
modo iudeis libellum repudii: ut euitarent homici
dium: Aliud est enim p̄cipere uel hortari: et aliud
permittere. Quod enim permittimus nolentes cō
cedimus: quia malas hominum uoluntates ad ple
num cohibere non possumus: ut dicit Chrisosto
mus et habetur. xxxi. q. i. hac ratione: dicitur etiā
ibidem qd ea quæ permittimus non approbamus.
Ad hoc propositum facit illud quod dicitur in .c.
cum iam dudum de preben. ubi dicitur / qd multa
per patientiam tollerantur: quæ si in iudicium de
ducerentur cassarentur: Cum autem christiani pos
sint faciliter eorum peccatū impedire / non debēt
inducere uel eos fouere. Alex. etiam de Alex. in
summa ubi loquitur de usuris tenet qd iudei nun

quam potuerunt exercere usuras sine peccato mor-
tali prout usuræ sunt. Et licet aliqui dicant / q̄ sal-
tem possunt moderari usuræ iudeorum propter .c.
quanto de usuris ubi prohibentur graues / et imol-
deratæ usuræ: dicendum secundum glo. ibi q̄ nō
licet in malo arguere a contrario sensu: deinde q̄
omnis usura est grauis / et immoderata: quia est ra-
pina: ut in .c. si quis usuram. xliii. q. iiii. Argumen-
tum etiam sumi potest q̄ i iudeis fit semper usura
cum peccato / quia etiam post bapt. coguntur res-
tituere sicut et res rapinosæ: Nam post abolitio-
nē peccatorū per baptismū alia iuste acquisita ēt si-
ne peccato possunt retineri sed non usuræ: quia
radix putrida et cum peccato fuit ergo et rami in-
fecti et cætera. Inno. de trans. in capitulo finali
dicit q̄ quātum ad cōmittendum peccatum mor-
tale uel remanendū in illo / in hiis / quæ pēdent a
iure naturali in lege diuina / et euangelio conten-
to: Papa non potest dispensare: et ponit exem-
plū de .c. super eo de usuris: Papa ergo non dispen-
sat contra ius diuinum ubi est peccatum mortale.
Similiter nec cōtra ius positium quando etiam
non cessat iniusticia et iniquitas naturalis et cætera.

d. iiii.

Secunda dubitatio principalis.

¶ Secundum dubium an cōmunitas aliqua possit cōducere iudeos ad exercendum usuras sine peccato cōmunitatis idest ipsorum hominum ipsius rei publicæ conducentium.

¶ Solutio huius dubii patere pōt ex p̄cedētibz quia coopari scienter peccato mortali ē mortale secūdū omēs theologos et doctos canonistas: quod elicit ex dictis Pau. ad ro. i. Nō solum qui faciunt sed et qui consentiunt facientibus digni sūt morte: ergo q̄to magis q̄ inducūt. ubi gl. quā alletgat Th. scda scde. q. x. ar. x. i. i. ar. ubi tractat de tollerantia: quā habere debemus circa ritus iudeorum et aliorū infidelium dicit q̄ peccato consentire unusquisq̄ dicendus est: qui nō prohibet cum prohibere ualeat: si non prohibere est malum quāto maius malum erit: consentire uel cooperari peccato: quod consentiens peccet patet. x. q. iii. Qui consentit: et tribus capitulis sequētibz expresse.

Primo ergo dicendum est q̄ conducentes quia ex conductione oportet q̄ paciscantur de solutione usurarum q̄ non sunt liberi ab excommunicatione: et ex consequenti a peccato mortali ut per

Pau.

clemē. i. de usuris : Secundo q̄ conducentes pec-
cent mortaliter satis clare argui potest : quia faci-
unt contra preceptū ecclesiæ extra de usuris post
miserabilem : Vbi ecclesia precipit principibus se-
cularibus q̄ faciāt restituere usuras / quas accipiūt
Iudei / et q̄ alias interdicator eis communicatio
omnium rerum cum Christi fidelibus etiam sub
pœna excommunicationis precipit ecclesia : Ta-
lia precepta secundum theologos et timoratos ca-
nonistas semper obligant ad mortale quāto magis
peccarent conducentes ? Secundum theologos si
principes / uel alii rectores cogunt christianos ad
soluendum usuras Iudeis : Ipsi tenentur ad resti-
tutionem : Sed tales conductores ex tali conduc-
tione cogent in futurum soluere : quia iam se obli-
gant / et obligarent exconventionibus / ergo faci-
unt se participes futuræ rapinæ : quia usura dici-
tur rapina ut habetur xiiii. q. iiii. c. Si quis : et est
textus Ambrosii notabilis / et exconsequenti pec-
cant mortaliter quia rapina non potest esse sine
peccato mortali . Guil. dicit q̄ domini qui per-
mittunt usuras exigī a iudeis in terris eorum : q̄
ipsi tenentur ad restitutōnem : quia cum possint
non compellunt ipsos ad restituendum / cum ad
eos pertineat et teneantur ad preceptum quod ha-

Ambro.

bent ab ecclesia : quod non seruando monstrant
se habere interpretatum consensum : iuxta illud
non caret scrupulo concessionis occultæ : qui ma-
nifesto facinori non desinit obuiare extra de homi-
cidiis sicut dignū. §.iii. et ex consequenti peccant
mortaliter ergo a fortiori quanto magis qui cōdu-
cunt conuentionem faciendo de usuris. Et cum
mihi a secularibus frequentius dicitur / q̄ fit hoc
ad uitandum maius detrimentum eorum / et pro-
pter multa commoda : quæ proueniunt pauperib⁹
ipsius ciuitatis et cætera. Quibus sancte est dicē-
dum q̄ nunquam malum culpæ agendum est / ut
uitentur omnia mala mundi temporalia / nec etiā
spiritualia dummodo remaneat ibi culpa / et dei
offensa : Nec est aliquo pacto credendum aut arbi-
trandum / q̄ mala debeamus euitare / aut bona de-
beant nobis prouenire per offensam dei secundū
omnes sanctos doctores : quia esset inferre : aut qd̄
deus non esset omnipotens : quia nō posset succur-
rere nolentibus eum offendere : aut q̄ non cerne-
ret omnia / quia non posset intueri talem bonam
mentem et innocentem : quæ propter eius gratiam
nollet committere peccatum ueniale / Aut q̄ non
esset sanctus / quia non delectaretur tali tantaq̄
innocentia ei⁹ succurreret : sed magis succurre /

ret scelestis hominibus quasi delectaretur eorum
offensa / et iniquitate: et hoc satis argui potest eti
am ex textu de usuris. c. super eo. ubi dicitur q̄ sa
cra scriptura prohibet pro alterius uita mentiri / et
multo magis prohibendum est ne quis pro redimē
da uita captiui usurarum crimine inuoluatur.

c Conclusio hæc theologorum uera est et ma
xime Tho. secunda secūde. q. xxxiii. ar. vii.
in solutione. y. argumenti. et Pe. de pal. in. iiii. di.
xvii. ar. i. in .vi. quesito. conclusione prima q̄ nul
lum malum culpæ etiam uenialis ut euitetur mor
talia est eligendum: quia dei offensa non est eligē
da / nec cadit sub electione: nec etiam est aliquo
modo debita: ut ē euitetur multa mala. unde Au
gu. in li. de mendacio et habetur. xxii. q. ii. c. pri
mo. dicit q̄ omne genus mendacii q̄ alicui pdest
corporaliter / et spiritualiter / et nulli obest etiam
pro illa utilitate faciendum non est. Vnde conclu
dit augustinus q̄ ad sempiternam salutem nullus
ducendus est opitulante mendacio: hæc etiam sen
tentia habetur a magistro sententiarum in. iii. di.
xxxviii. et confirmatur a beato Bonauentura / et a
reliquis theologis: Augustinus similiter super psal
mos et habetur. xxii. q. ii. Ne quis dicat q̄ bonis et
scis uiris falsū dicere iuenitur esse cōcessum idem

etiam habetur ubi supra. c. faciat Si ergo ista non li-
cent : quanto minus licebit usura cooperari cum
semper usura sit peccatum mortale. hoc etiam argui
posset ex. c. non magno ne. cle. uel mo. et cetera.

Host. etiam et Io. An. in. c. non magno ne. cle.
uel mo. dicunt aut aliquid est prohibitum lege diui-
na / ut mendacium / et usura / et non admittitur co-
pensatio de minori malo ad maius malum : nec de
malo ad maius bonum et hoc per. c. super eo de usu-
ris et xxii. q. ii. c. i. Aut est prohibitum lege cano-
nica : et tunc potest fieri compensatio auctoritate Pa-
pae : cum possit tollere peccatum quod constitutio
canonica induxit : ut in .c. proposuit de con. pre-
ben. etc : Ecclesia ergo non potest consentire ma-
lo culpae : et multominus cooperari quod est pro-
hibitum lege diuina in quo semper remanet ma-
cula peccati et hoc etiam ut uitetur maius malum
uel quod sequatur aliquod aliud bonum / ut pa-
tet expresse di. xiiii. c. quod ait : licet possit tolle-
rare ecclesia sub dissimulatione causa maioris
mali uitandi uel causa maioris boni / quod inde
oriri potest et de hoc est glosa quam sequitur Ar-
chidiaconus et Iohannes de fant. distinctione quar-
ta capitulo Denique in uerbo uenia : uide etiam glo-
sam notabilem distict. iiii. c. finali. Et si quis diceret

Acrhi.

q̄ ecclesia tollerat ritus iudeorum / et prohibet fi-
deles ne eos impediant ut habet̄ expresse di. xxxxy.
c. Qui sincera. Dicendum q̄ ecclesia hoc impedit
causa maioris boni / quod exinde sequitur ut. s. p
hanc uiam possimus eos lucrari / et facilius cōuer-
tantur ad ueritatem / ut dicitur in supradicto .c.
qui sincera. Deinde quia ueritas nostræ fidei in li-
bris ipsorum uelata et ī ritibus prefigurata nostris
oculis lucide demōstratur et fidei nostræ testimoni-
um roboratur ut dicit Augustinus. xviii. de ciuita-
te dei. c. xxxxy.

Agister Gerardus de senis ordinis heremi /
tarum examinat hoc dubium utrum iura debeāt
concedere cōtractum usurarium / propter aliquod
bonum quod īde oriatur uel propter aliquod ma-
lum : quod inde uitetur : quod soluit hoc modo
distinguendo / et allegatur a Ioh. an. in mercuriali-
bus in regula peccatum .in ar. iiii. Dicit enim q̄ p-
missio accipi potest tribus modis. Vno modo pro
ut est simplex permissio indulgens pœnam .et hoc
casu ecclesia permittit malum / ut euitetur maius
malum ut in dicto. c. deniq̄ iuncta glo. ī uerbo uel
nia. di. iiii. et in. c. Si qua monacharum iuncta gl.
xxvii. q. i. Et dicit ibidem Ioh an. q̄ talis pmissio
ideo dicitur simplex quia tantūmodo pœna indul-
getur / non autem culpa minuitur. Secundo mo

Permissio po-
test accipi
tribus modis

do accipi potest permissio uel cōcessio prout idem
est q̄ permissio tollens impedimentum secundum
quē modū iudei inter xp̄ianos permittuntur ab ec
clesia in obseruantia sui ritus ut in .c. Qui sincera
xxxv .d. et ista permissio differt a prima: quia nō
solum ecclesia permittit malum, s. obseruantiam ri
tus iudeorum subtrahendo cōminationē / uel in
flictionem p̄næ: sicut facit permissio prima / sed
etiam remouendo impedimenta christianorū qui
uellent īpedire iudeos ne obseruarent suos ritus ut
in .c. Sicut de iudeis . Tertio modo potest acci
pi concessio prout idem est q̄ permissio pr̄stans
iuuamen: secundum quem modum ecclesia quan
doq; permittit clericum occidi a pt̄ate seculari / et
h̄c permissio excedit secūdā: sicut secunda pri
mam: quia in ista tertia permissione non solū sub
trahitur cōminatio aut infliccio p̄næ: quæ posset
per occisionē clerici infligi / sicut fit in prima per
missione. Sed etiam tollit impedimentum per qd̄
posset occisio clerici impediri: quemadmodū fit in
secūda permissione. Immo ultra hec duo pr̄stāt
iuuamen ī ista tertia permissione quod non fit in
aliqua precedentiū: Nam in nulla ipsarū posset ec
clesia iuuamen p̄stare: quia non potest adiuuare
malū culpæ et offensæ dei: et qui aliter sentiunt be

strialiter sentiunt: Sed ecclesia præstat iuuamen /
quia ipsum degradat et ponit in manibus iudicis
secularis ut crucietur uel etiam occidatur iuxta il
lud Apostoli. i. cor. v. Tradens huiusmodi homi
nem sathanæ in interitū carnis ut spiritus eius sal
uus fiat in diem domini nostri Ihesu Xpi ut in. c.
nouimus de uerborum signifi.

Apostolus.

e X his patet q̄ tribus modis potest accipi cō
cessio uel permissio / primo quādo propter
maius malum uitandū malum toleratur sub dissi
mulatione: et hæc dicitur comparatiua permissio /
quia solum pœna indulgetur / Cum talis sic faci
ens non puniatur ut est de meretricibus: Tamen
non minus iuoluitur crimini propter talem per
missionem: Secundo modo accipitur concessio
uel permissio / quando ecclesia tollit impedimen
ta impediencia malum fieri propter bonū / quod
inde sequi speratur ut in obseruatione ritus Iude
orum. Tertio modo quando ecclesia præstat iu
uamē: Et sciendū q̄ ecclesia hoc tertio modo nō
potest cōcedere uel pmittere nisi illud quod pmit
titur siue conceditur sit licitū ut est occisio clerici
pp̄ delictū traditi curiæ seculari: nam hoc est licitū
quia maleficia non debent remanere impunita ut
in. c. ut fame de sen. ex. et. l. ita uulneratus. ff. ad
l. Aquiliam: Quamobrem concludendum est

Augu.

ita q̄ uidelicet ecclesia non potest dare licentiam
præstando iuuamen faciendi malum culpæ ut i. c.
legatur. xxiii. q. ii. unde ecclesia non posset dare li
centiam præstando iuuamen i ut iudei seruarent
ritus suos ut dicitur in glo. iii. c. Qui sincera.
xxxv. di. unde August. contra p̄minianum dicit:
q̄ quis malis sociatur quādo cum eis malū cōmit
tit aut cōmittentibus fauet ut habetur. xxv. q. iii
Ita plane et in fine capituli ita concludit Aug. ubi
malum nō potest corrigi/ uel puniri / uel aliter ob
uiari illa duo retenta semper reseruant hominem
innocentem et icorruptum a peccato. s. ut nec ma
lum quis faciat: nec approbet factum: sed præsta
re iuuamen iudeis ad usuras exercendas esset faue
re malo quod non licet et cetera.

Concludit ergo ibi suprascriptus frater Ge
rardus, et loh. an. q̄ nec ius naturale nec
diuinum potest permittere contractū usu
rarium/ propter aliquod maius malū uitandū uel
p̄pter bonum/ quod inde oritur. quia et ius natu
rale / et diuinum prohibent usuras. Nec etiam ius
canonicum aliqua suprascriptarum p̄missionum/
quia pœna cōminatur et infligit facientibus dictū
contractum/ ut in. c. q̄q̄. li. vi. de usuris. sed multo
minus aliquis dominus temporalis / uel aliqua cō

munitas^r quæ sunt minoris auctoritatis : et si ali /
quas uideatur Papa permittere usuras / ut in. c. sa /
lubriter de usuris / et alibi dicendum q̄ illæ nō sūt /
proprie usuræ licet uideantur similes : Ius autem ci /
uile permittit permissione primi modi. s. non infli /
gendo pœnam : propter maius malum uitādum .

Ergo hæc est theologorum et canonistarum /
uera et indubitata conclusio / licet enim multa ad /
duci et allegari possent : sed quia nōnulli propter /
dictum Augustini in libro de adulterinis cōiugiis /
quod etiam habetur. xxxiii. q. ii. c. Si quod uerius /
audent dicere q̄ de duobus malis culpæ minus est /
eligendum quia Augusti. uidetur dicere q̄ si quis /
uult facere homicidium uel adulterium q̄ potius /
faciat adulterium q̄ homicidium : Quibus respon /
dendum est q̄ August. loquitur conditionaliter . /
uidelicet q̄ si quis cogeretur ad aliquod istorū q̄ /
magis deberet facere adulterium : sed illius conditi /
onalis prima pars non est concedenda. quia nemo /
liberi arbitrii cogitur ad peccandum : ergo et con /
sequens non est concedendum : Similiter Augu. /
uolebat dicere q̄ si quis uellet alterū istorum face /
re q̄ magis deberet facere adulterium : Sed nullus /
debet uelle perpetrare aliquod istorum et cetera : /
Sed bene stante mala uoluntate ad alterum istorū

e .i.

tunc faciat minus : sed illa mala uoluntas est de
ponenda . Quare perstat conclusio firma q̃ mal
lum culpæ paruum non est perpetrandum / ut ui
tetur maius et ex consequenti nec usura .

... .. FINIS

D. Celsi Veronensis Cano. Regul. ad Reueren
dissimū .D. Cardinalem Papien. de
morte .S. Sixti Cardinalis Epi.

EVEREndissime domine Ex litteris be
nedicti Maphei nepotis mei cognoui id
quod etiam sine litteris intelligebam . Et
tuæ Reuerendissimæ . D . erga me studium eximi
um et iudicium eiusdem in me singulare Doleo
p̃fecto / neq̃ me parem pro tuis in me meritis gra
tiam refferre posse : Neq̃ ea in me esse quæ opini
oni tuæ / iudicioq̃ respondeant . Tuam semper
Reuerendissimā dominationem laudis meæ cupi
dam dignitatisq̃ cognoui . Itidem ago / ubiq̃ lo
corum et gentiū / de tua excellenti uirtute / ac glo
ria . Huiuscæ rei habeo q̃ plurimos locupletissimos
atq̃ dignissimos testes . Verum de his alias . Quid
autem mi Reuerendissime domine in hac tam mi

sera et falaci uita admodū cupere debeamus: non
satis intelligo: quid uero timendum sit: plane co-
gnosco. Quotidie noua oboriuntur exempla qui-
bus instruimur/ nihil esse hac uita miserius: Nam
cum nuper de obitu Cardinalis sancti Sixti ex mul-
torum litteris et nuntiis accepissem: Cœpi mecum
cogitare uariam rerum humanarum sortem/ mira-
bilemque simul ac miserabilem hominis istius cōdi-
tionem fuisse cognoui: Nam qui paulo ante in ui-
ta fœlicissimus omnium esse putabatur, in morte
miserimus omnium apparuit: quando ea quæ ui-
uenti gloriam et splendorem attulerunt, morienti
pœnam et cruciatum inferrent: et ea quæ dum an-
te possiderentur iucūda et dulcia esse uidebātur:
eadem dum relinquerentur tristia et amara esse p-
barentur: Quid enim in hoc biennio huic quod
optaret / aut uiuenti defuit / aut morienti profu-
it: Heu miseram nimis hominis conditionem: dū
ea quæ in uita tanto labore parantur ad uolupta-
tem: in morte tanto dolore relinquūtur ad pœnā:
Et quæ prius longis erant quesita uigiliis ut essent
oblectamento / breui tempore magno sunt amissa
tormento. Nihil huic homini adiumentū dignitas:
nihil splendor: nihil aurum: nihil argentum: nihil
uasa preciosa: nihil opes: nil nitor gemmarum: nil

e .ii.

fauor auri popularis: nil turba clientum: nil denique principatus tanto praesidio studioque ualatus praesus attulit salutem: Sed e contrario quum corpus sauis doloribus cruciatum torqueretur: Haec omnia quoniam relinquenda erant / animu quoque diris ac cruentibus morsibus lacerabant: ut mihi perfecto fortunatissimi esse uideantur: qui nullam cum rebus tam cito perituris sortem acceperunt, uel acceptam uirtute ipsa contemptam penitus abiecerunt: Sic enim fit ut animus noster et adhuc in corpore positus nullis rerum presentium delinitus illecebris rerum aeternarum cogitatione pascatur: Et dum migrat a corpore nullis uinculis irretitus / aut sordibus inquinatus / liber ac mundus euolet in superna / et nullo dolore relinquat: quod miro ardore contempletur: At me quidem iam pridem totum in hanc cogitationem erectum: cum uariis rerum humanarum multiplicesque casus: Tum uiri de quo dico tam repentini tamque insperati euentus subitaque procellae confirmarunt: Quid enim? floruit hic paucis diebus plusque mea sententia assequutus est / quam uel ulli sperare aut ei fas esset optare: Quandoque ex loco tam humili tamque abiecto, ad tam excellentis gloriae culmen altitudinemque potentiae euectus est. Et ecce mi pater et domine dum huic ad

uota succedunt omnia parum dico immo dum uo-
ta successu rerū superantur dum nihil optat / quod non
speret . dum nihil speret quod non querat : nihil
querit / quod non assequatur : Dum ei cuncta ar-
rident in ipso primordio iuventutis in medio floren-
tis gloriæ cursu / subita atque insperata morte corri-
pitur : O fluxam rerum humanarum labilemque natu-
ram : O falacem uitæ spem : O miseram conditio-
nem : Quid est quod animos nostros excitet aut
allitiat ad hanc rerum transeuntium ac tam cito
labentis uitæ gloriam appetendam : quando uel res
nobis / uel nos rebus / tam inopinato euentu / tam-
que subito casu subtrahimur ? Igitur humanissime
princeps ab his rebus quæ tam cito pereunt meus
auocandus est animus : atque illic spes mea cogitati-
oque locanda est : Vbi uita perpetua . Vbi pax æter-
na . Vbi immortalis beatitudo . Vbi sempiterna
fœlicitas . Vbi deus noster est premium ac uita / et
merces nostra magna nimis : Hæc tuæ Reueren-
dissime scripsi non quod aut ad contemptum uitæ præ-
sentis / aut ad spem futuræ eam accendendam in /
flammandamque putarem : Cum uita tua perfecta
quædam norma integritatis ; sanctitatisque existat .
Sed ut magis hæc Epistola esset monumentum mei
in te præcipui amoris / ac singularis obseruantia /

intelligeresq; tuam Reuerendissimam Dominati
onem mecum in studiis / mecum in cogitationi /
bus / mecum et domi / et publice cum suauissima
memoria uersari . Cui me unice trado / atq; com
mendo. Ex Bononia xii. kallendas Februarias.

Epistolion Philippi Beroaldi .

Puscula nō parum multa cum ellegantia
nitore: tum sententiarum splendore fulgē
tia laudibus extollere consueuimus . Inter
quæ reponi merito potest libellus hic a Venerabi
li Viro Celso nuperrime editus: Qui non minus
est eruditione q̄ religione monstrabilis : multum
in hoc nitoris: nec minus doctrinæ inest : Lector
lege lætaberis . Vale .

Opusculum hoc Bononiæ Impressum est p̄ Pla /
tonem de Benedictis librorum excussorē Anno
Domini . M . CCCC . LXXXIII . Quin
to kallendas Iulias .

REGISTRVM.

a . b . c . d . e .

Omnes sunt quaterniones Vltimus uero
constat ex duobus foliis .

..



Opusculum hoc Bononiae Impressum est p. Flav
conem de Benedictis librorum excussore Anno
Domini .M. CCCC. LXXXIII. Quin
to Kalendaris Iulias.

REGISTRVM.

a. b. c. d. e.

Omnes sunt quaterniones Vltimus vero
constat ex duobus foliis.



